

眼科錦囊目錄

卷一

總論	一	苦寒之辨	一八
內景	二	逐機活用	一九
眼珠略圖	四	外障篇	二一
鑒視之說	五	病係睫毛之證	二一
近視遠視	六	睫毛內刺附重睫	二一
膜翳星翳	九	睫毛脫落	二一
藥物略譜	九	病係胞瞼之證	二一
點藥水飛	一三	眼瞼閉著	二一
點劑	一三	瞼著眼珠	二一
噴鼻劑	一三	瞼嫩腫	二三
吐劑	一四	瞼浮腫附空氣腫	二三
放血灌水	一四	結石腫	二三
各國殊證	一五	麥粒腫附固結腫	二三
溫泉害目	一六	瞼生風粟	二四
攝生禁食	一六	爛弦風附胎風赤爛	二四
瞼眼	一七	風牽出瞼	二五

上瞼低垂	二六	白膜血斑	三八
胞瞼結核	二六	穹肉攀睛附翳膜	三九
飛膜入目	二七	囊睛	三九
癰極難任	二八	雞冠蜆肉	四〇
胞瞼遮肉	二八	白膜黑粒腫	四〇
兔眼	二九	病係角膜之證	四〇
病係內眥之證	二九	雲翳附玉脂浮滿	四〇
多淚眼附迎風流淚	二九	星翳附時復移星	四一
乾燥眼	三〇	釘翳根深	四三
兩瞼粘睛附胞肉膠凝	三〇	膜障附赤脈下垂	四三
淚管漏附淚囊蓄水腫	三一	膜障附淚囊	四三
內眥遮肉	三一	膜障附淚囊	四四
病係白膜之證	三一	蟹睛疼痛附黑膜如翳	四四
天行赤眼附疫毒腫	三二	角膜皺縮	四五
風眼附暴赤眼	三三	病係眼珠之證	四五
痛如神炭附痛如針刺	三六	眼珠膨脹	四五
白膜脈腫	三六	眼珠突出	四六
大眥赤脈穿睛附小眥赤脈穿睛	三七	硬瞼硬睛	四七
眼疔	三七	眼珠瞤動	四七
		發無定處之證	四七

打撲眼	四七	病係硝子液之證	五九
刺撞眼	四八	青盲附風 綠眼	五九
火傷眼	四九	病係網膜之證	六〇
創傷眼	四九	羞明眼	六一
毒蟲傷	四九	黑障眼 附風 黑風 黑	六一
鼠尿入目	四九	暴盲	六一
內障篇	五一	虛眼	六二
病係葡萄膜之證	五一	強過眼	六二
瞳孔開大	五一	雀目附肝虛雜盲	六三
瞳孔縮小附瞳孔緊閉	五一	近視眼附遠視眼	六四
瞳人乾缺	五二	不真眼 附斜形眼 一物二形 一物半形 垂瞳眼 異色眼	六四
瞳孔異常附瞳孔變形	五四	發無定處之證	六五
瞳孔不動 附翳眼 凝睛 翳障 小兒過暗	五四	疳傷眼附頭瘡內陷	六五
病係水樣液之證	五五	痘疹眼	六八
水樣液混濁附膿眼 乳眼	五五	敷毒眼	六九
血瞳瞳人即血眼	五六	疥癬眼	六九
病係水晶液之證	五六	癰癤眼	七〇
白內障	五六	癩病眼	七〇
		外障篇真證五十附證三十九	

內障篇真經二十三附經二十一
通計一百三十有三名

卷四

諸言	七一
湯液之部	七一
丸劑之部	七九
散藥之部	八三
噴鼻劑之部	八四
吐劑之部	八五
薰劑之部	八六
發炮劑之部	八七
糊劑之部	八八
塗抹劑之部	八八
洗蒸劑之部	八九
水劑之部	九一
點眼劑之部	九二

續眼科錦囊目錄

卷一

眼科古今無正典論	九七
本朝眼科製弊論	九八
西洋窮理無確徵論附附字正誤	一〇一

卷二

眼目至大之論	一〇五
雙瞳三瞳之論	一〇七
悉鳩答黃若之說	一〇八
胎障眼發明之說	一〇八
奇障怪病之說	一〇九
眼胞結石瘤證	一一〇
眼珠翳花證	一一一
夜光眼證	一二二
重盲眼證	一二三
陰陽擬似證	一二三
銀屑散漫證	一三四
無痛楚角膜破裂裂證	一四五
大怒暴盲證	一五六
醉中暴盲證	一五六
胃寒暴盲證	一六七
小皆漏證	一六七
衰弱眼證	一七八
二患者治驗	二〇〇
眼科器具圖并圖解	二二三
內翳鍼刺圖并圖解	二四四
眼目十禁三戒	二四五

眼科錦囊卷一

東武 本庄俊篤士雅著 門人

松代 小山玄敬以恭
長崎 梶井元鶴士篤
全校

總論

夫眼目之爲妙用也。視力之所徹到。千狀萬形。毫無遺漏。故古人比之皇天兩曜。不亦宜乎。乃神靈不測之機器。至妙無量之要具。此乃先天神液。肇始元靈。陰陽妙蘊。造化精英也。然則其所以視鑒者何也。水乎血乎。抑液乎氣乎。曰。非水非血。非液與氣。自然靈液。水火精華。俱揮發運用而爲之。何得窮極乎。雖然。予考之西說。試之事實。聊領其大旨。而至于蘊奧靈妙之理。則一歸之於造物者。非智識之所格知也。蓋眼目之爲質也。以膜與液而成。位于鼻側骨腔內。以上下胞瞼爲藩籬。而蔽護之。以淚液爲澆池。而滋潤之。六筋主其運轉瞬動之機。造化之用意。概略如此矣。實靈妙之神具。人身之至寶。豈他之所能及哉。故一失其度。則猶明鏡滅光輝。清水混污泥。赫赫世界。變成夜國。要之或根遺毒。或本傳染。或因攝生失道。與感觸時氣。而萌生無慮患害。其證雖有千態萬狀。約之則唯是內外二障耳。何謂外障。曰。剛膜以外。及于眼瞼淚堂。其所患如焮熱赤腫。胬肉星翳。膜癢燥爛等是也。何謂內障。曰。剛膜以內。及于三液瞳神經。其所患如瞳孔收小。開大。不真。雀目。及青白黑之內翳等是也。龍木論以後之諸書。

徒因形狀以設其病名。或本五行配當之說。而架空閣虛主張。無益之贅論。亦何足辨乎。嗚呼。陰陽家惑亂吾道。其害豈淺淺耶。志斯道者。開一雙之活眼。不看破五輪入郭之妄說。則入其門戶。搜其蘊奧。亦難哉。故予欲闢草萊。剪荆棘。使後人無迷路之憂。學者宜注意而剔除舊染陋弊。實心從事焉。冀使天下蒼生。永享無窮之洪福矣。

內景

大凡欲療患眼者。必先審其形體。精其官能。而後擊逆救弊。則百戰百勝。可以立功矣。何則。於微細之部。分備無數之諸具。而映寫物象。毫無差謬。實可謂神靈機器也。今欲知其官能之理者。不就西洋究理之實測。則難窮極其蘊奧之妙。予從西說述物景映寫之理。而示同臭之士。與夫後世眼科以五輪入郭為說者。壤霄壤異也。故論眼珠之諸器。鑑視之妙理如左。

眼珠屬外部者五

眉毛

睫毛

胞瞼

上云胞下云瞼。弓狀軟骨在其端邊左右謂大。小皆內方為大。皆外方為小。皆乃胞瞼接際也。

淚孔

淚阜

大管

赤肉之部

眼窠骨集會者七

七骨分內外

前頭骨

衝骨

上顎骨

以上屬外部者

淚骨

楔骨

篩骨

蓋顎骨

以上屬內部者

運轉眼珠之筋六

牽上筋

令上視之筋

牽下筋

令下視之筋

旋迴筋

令向耳邊之筋

轉運筋

令向鼻邊之筋

上斜筋

令上轉之筋

下

斜筋令下轉之筋

屬胞瞼之筋三

瞼匝筋二條舉瞼筋一條

屬淚道者四

淚孔 淚管 淚囊 鼻管以上輸送淚液而滋潤眼目者

屬眼珠之膜十

白膜即白睛也 剛膜 角膜即為睛也 脈絡膜 葡萄膜即瞳子也 網膜 外被膜 睫

膜 蜘蛛絲膜薄膜包水晶液者 硝子膜薄膜包硝子液者

屬葡萄膜者三

虹彩薄桃膜前面角膜透視之處 瞳孔 毛狀膜虹彩之裏面主瞳孔開收者


珠內畜藏之液四

水樣液 水晶液 硝子液 黑稠液塗抹脈絡膜之裏面使黑暗之液

司眼目之神經五

視神經腦之第二對主變視 動眼神經同第四對動眼運車之神經共主機轉 運車神經同第四對動眼運車之神經共主機轉 分布神經同第五對

知覺運轉 牽引神經同第六對運轉及眼珠主牽動之機




眼珠諸具略圖

- | | | | | | | | | | | | | | | | | | | | | |
|-----|-----|-----|------|------|------|------|------|------|-----|------|------|------|------|------|-----|-----|-----|------|-------|-------|
| 一白膜 | 二剛膜 | 三神經 | 四上斜筋 | 五下斜筋 | 六拏上筋 | 七拏下筋 | 八轉運筋 | 九旋迴筋 | 一角膜 | 二葡萄膜 | 三水樣液 | 四水晶液 | 五水晶膜 | 六硝子液 | 七白膜 | 八剛膜 | 九網膜 | 十黑稠液 | 十一脈絡膜 | 十二瞳神經 |
|-----|-----|-----|------|------|------|------|------|------|-----|------|------|------|------|------|-----|-----|-----|------|-------|-------|

眼目之諸具。及位置者。予屢剖解眼珠而所親視也。今圖其大概耳。若要窮其微細。則有解體譯書。故不贅。

鑒視之說

夫眼目鑒視之理。諸說紛然。無得其精義者。獨西哲勃伊私之說。得其實。側故予專從之。更製新圖。且聊述其理。以示後學。蓋鑒視之理者。來影與精神內外感應而使然者也。譬如鏡面對日光。則光輝抵激發閃爍細光芒而反照。故日月燈火之光輝。照射物象。抵激其物。則反映於眼目。作一直尖而入于瞳子之小孔。遂感觸於網膜。使物景得知覺於精神也。乃是其反照之光輝尖頭。先於角膜之部。交叉顛倒。而透徹於稀薄之水晶液中。縮入於葡萄膜之小孔。次於凝固橢圓水晶液之部。更再交叉顛倒。而入軟闊之硝子液中。竟使來影映寫網膜。而達視神經。蓋起先來影之倒映者。復爲顛倒。故在網膜之部。而正映真寫之。而令不失物景之本態也。其水晶液之爲用也。隨物景之遠近進退運動。而令適視物之度者也。硝子液之周圍。以塗抹黑稠液。昏暗而無光輝。抵激爲反照之勢。故物象益加明明矣。此乃如暗室穿小孔引外影也。所縮入其孔中之物影。皆顛倒映寫焉。試將一片硝子版。掩其小孔。則來影彌洞明。而光彩色澤。真如繪畫。而復將一枚之硝子重懸。則顛倒之外影。遂成正影矣。能以此徵之比考眼目。則不待予言而其理自了然。



外影交映寫眼之圖


- 第一物景
第二光輝直尖
第三角膜透明之處
第四剛膜
第五網膜
第六水樣液
第七水晶液
第八硝子液
第九脈絡膜
第十葡萄膜
第十一黑網液
第十二瞳神經

鑒視映徹之理。見圖說而當領解其概略焉。方寸之眼珠亦備是靈器。況於全軀之妙工乎。造化之用意。實不容易哉。故詳諸部官能。而察因與證。知其常而應於非常。則對病投藥之間。得免其謬誤。而可以謝天地之鴻德。豈可忽乎。

近視眼遠視眼

大凡物景之爲來映也。光輝直光。與諸具官能互相感觸之理。略如前條所論述。故諸具一失妙機。或至病之爲變。則發各種之異證。所謂遠視近視。一物兩形。及半形顛倒不真。異色昏花等。千種萬類。不可得而窮極也。雖不可得而窮極也。而其變之所根據者。不過於諸液諸膜之失常度而

已失其常度之理。於近視遠視二證。確乎可證焉。其因雖多端。今特述尋常之證。而要學者之注意細會。知是之理。則各種之異證。亦當推此而知彼矣。然則非不可得而窮極也。蓋近視眼者。眼面之中央。比較尋常之眼。稍爲隆起。是以物象光輝尖達於網膜也。不能如常度。故近接物體。以適其度而已矣。耆期老人。血氣衰弱。諸液少灑。則其凸隆之眼面。自然扁平。竟復常度者有之矣。可以知其理也。其遠視眼者。與前證相反。而眼面扁平之所致也。故光輝聚映。亦在角膜後部。以爲交叉。故使物景近接眼面。則愈失其度。譬如衰老之眼。不遠隔物象。則不克洞見焉。此乃血氣乏少。諸液減耗。眼面扁平。而使然也。此二證共是一般。而唯來影之度。有過不及耳。摹寫西洋書所載之圖。以示遠近相距之度如左。



第一圖

此圖尋常眼之度。使以知短視遠視凸凹二眼之異其度。

第一物體


第二物景之光輝尖爲交叉處

第三光輝尖遠近相距處

第四眼面周圍

第五眼面周圍之徑度

第六眼面形狀



第二圖

尋常眼面與凸隆眼面其光輝尖之遠近相距聚面周圍及徑度有

之圖

第一光輝尖

第二凸隆眼所見之物體

第三光輝尖之相距處

第四眼面之周圍

第五圓面之徑度

第六眼面之形狀

第七凸隆眼與尋常眼之徑度

第八光輝尖之徑

第九凸隆眼最分明所見物景之分位

第十尋常眼分明所見物景之物乃在此處

第三圖

此圖者詳說光輝尖之聚映至角膜後部之理

第一物體

第二尋常眼所見光輝聚映之點

第三光輝尖至角膜後部而交叉處

第四光輝尖遠度之分也此遠度之分程

比尋常眼則遠隔不然則光輝尖以

不至第二常度之部不能明見也

第五得此圖者見物體之部位

第六尋常眼與遠視眼視物示有遠近之

差即此第六之差度者與第四之遠

度同分也

舉此三圖。以使知其大旨。夫眼面扁平者。不遠離物象。則不能明見也。眼面隆起者。不近接物體。則又不能洞視也。看彼凸凹之二眼鏡。可推考其理。而此證之起原者。關係眼面形狀。與珠內諸液之缺脫者也。此圖本出於西醫之說。不敢加臆斷。惟去其根莠而撥其精英。要易見解耳。學者須思量。

膜翳星翳胬肉之說

膜者。因其形而取名耳。其症比于翳。則加稠厚。且血絡彌蔓。其狀如皮膜。故有此名也。翳者。其狀如淡煙浮雲。其證與膜大異也。古人不細察之。翳與膜混同而論說之。何其陋哉。一證有稱星者。此乃角膜生白點如星之懸天。亦因其形狀以稱之。非有深旨也。胬肉者。血絡爲膨脹。白膜爲浮腫之證。而熾熱之眼。往往有之矣。然而近今說者。或云胬則土也。其銼刺碎痛如投入砂土也。嗟乎。是何言哉。古典胬與努通用。未嘗與土通也。凡工俗談。真堪捧腹。字書云。胬怒也。此乃脈絡怒脹之謂也。故外科書。每指腐肉膨脹者。稱胬肉。則當知非眼目一證之名也。何費多言。

藥物略譜

爐甘石 此主治者。去翳除膜。收爛治濕之貴藥也。故專門家每配點劑而施用焉。是物元來金銀坑中之所產也。曩昔出于豆州之銀坑。然今失其所在。既久矣。近今所取用者。即舶來之品物。而未聞有國產也。往年東奧之一友人。贈與一塊之爐甘石。曰。於我邑金坑之內所獲也。雖不知其

然否。品質遠優漢產。而市戶所鬻之物。優劣相混。精粗互半。亦不得不揆用焉。試法。以一豆粒許。投入烈火煅之。而其色帶黃者爲優。白色次之。灰色及含有砂石者。皆不任用也。蓋此物以出于金銀坑冶之處。漢人以爲金銀之苗。豈其然乎。此物是倭鉛之氣結化于地中。經天然之薰陶。而煉熟凝成者也。試以之煉赤銅。則變成黃銀。天功開物。亦載煅煉爐甘石而製倭鉛之說。以此考之。點銅爲黃者。非倭鉛而何哉。予製亞鉛華。煅煉倭鉛而所獲之精華也。詳出千字氏所著之名物考。抵用而試之。其質純粹。其効峻烈。遠優于爐甘石。所謂人造奪天工者。其言之乎。

珍珠 此物多種。本邦處處有之。惟以出于肥勢二州者爲絕品。蓋今世眼科之徒。專爲眼疾通治之貴藥。而無不配于點藥者。至其太迂者。則以爲內服而治內障。患家亦信庸醫之言。頻請用之。故茲工賊醫。設計于貝珠欺瞞患家。而釣利網貨。甚爲可惡。故予欲除其風弊。不厭數言以縷說其理。此物爲應用之貴貨。固無論焉。然有殊効者。必有害。不可不深察也。予考其所主治。與石灰牡蠣之品類相似。而澄清濁液。制伏腐敗。除翳退膜之要劑也。製之煅煉。而不加灰。則無益焉。此以力專在收斂也。故酒將酸敗。則以煅製真珠少許投之。則收斂酸味。而復於醇酒。其功不異於石決明。螵蛸石。是以點用屬煅熱之眼疾。則以收斂之力尤峻劇。增益疼痛。發起赤脈。遂至于危篤。不可不戒懼也。予往日邂逅於一眼科曰。製真珠有妙法。取方五寸豆腐一塊。放在於鍋內。當中開一小孔。以珍珠實之。用

水煮之一日許。下火候冷。取出而研末。此我家祕法也。不稽之癡譚真可笑。

冰片麝香 此二種者。芳香透竄。開達閉塞。補復衰弱。除頑翳。去老膜。治諸般內障之一大奇品也。然知其利。而不知其害。則不可妄施。謾用焉。予歷年遍遊於諸州。叩眼科之門。不止數十家。見其黨之所爲。實不師傳。則家祕謾誇三世之舊。守持主張。以爲帳中祕方。目擊其術。則却是鄙陋俗法。而妄有明窮藥性病候之識乎。故誤用藥石。以取敗者。不爲不抄。後學沉思。勿致差治。夫此二物者。其味辛苦。其性溫熱。是以令觸于上。衝眼。焮腫。眼其他屬熱之眼疾。則忽爾增進。焮熱疼痛。至其太甚。則眼珠破裂。或角膜突出如蟹眼。或遮明曇暗。尙生萬般之變。汚狀醜態。爲終世之廢人。是乃以熱投熱之弊。猶抱薪救火。世醫不熟此理。若致誤治。則爲傳染於疫眼。全歸咎於天行。不敢顧視。或遇患疫眼者來乞治。則恐沾染於旁人而辭治。此何愚之甚哉。疫眼者。素係天行之一症者。兒輩亦能知之。豈獨眼科之門周年有之哉。不知出其誤治。而釀成大患。故予發憤凝思。製造清涼緩和之水藥塗藥。專以救熱眼誤治之患者爲急務。哀學淵曰。世人不知冰片爲劫藥。而誤認爲寒。常用點眼。遂至積熱入目。而漸昏暗翳障。彼陰陽醫亦能知其理。而世上之拙工。竟不省悟之者何哉。

寒水石滑石 寒水石者。古今紛辨。而無一定之說。石膏長石凝水石方解石。昔人皆以充之。或取似者。或惑同名。惟時珍氏。決然取石膏充之。實

遵用有驗。然方解石爲代用之說。特非卓見也。爲何。則碎之塊塊盡方解。假令千煉煅之。萬轉研之。毫末尙存方稜之形。不敢失天生之質。故誤用之。則摩擦眼珠。必生不測之變症。方今眼科所用之物。卽方解石。而非真物。其質與効。天淵懸絕。豈可混同乎。石膏者。其質鬆軟而光亮。燒之則白爛如粉。其性清涼。而兼解肌。故內服而散鬱逐毒。發汗解熱。除翳退膜。煅煉爲末。配于點劑。亦能有脫翳之力矣。滑石所主治者。去污液。除粘膠。收爛止淚。而此物可生用。而不可火煉。若誤燒之。則變於粗硬之物。化於無用之品。此製治各有所宜也。

丹砂銀朱 此二種者。雖有天然與人造之別。其質其治。彷彿相似矣。然有天然人造之別。則不得不擇之。丹砂者。天生之一物。而其質水銀硫黃之所凝結者也。但以自生于土石間。此所混交者。亦有不同者也。銀朱者。出于人造。以水銀硫黃煉製之者也。比之丹砂。其効力自在一層之上。藥鋪所販賣者。乃舶來下劣之品。其色暗紫。而有微臭。不可以供藥用。故與用不審不正之物。寧用純粹之銀朱。蓋丹砂者。天工之銀朱。而銀朱者。人作之丹砂也。猶水晶與硝子也。是以詳精煉之術。則轉粗而爲精。實醫家之急務也。方今眼科。惟知其色美。而不知其品有優劣。妄配于點藥。欲以銀朱使鮮明。以龍麝使芳香。其陋如此。故不啻無効。亦貽害不少。銀朱之爲質也。以水銀爲主。其質微細竄透。能穿入于細條纖絡。逐出邪毒。澄清眼液。去翳除膜之神劑也。而爲妄用。則以水銀之劇勢。刺衝攻動其部。更

發疼痛起血線殆至危篤之證然明辨藥性詳察病候而用之則輕粉昇汞之劇劑皆配點藥亦無有害却奏撥雲清霞之奇効若要究極其藥性則不如學精煉之術也予故曰精煉者醫家之急務也

點藥水飛

當今專門之家百般眼疾必用點藥而無他策觀其所製取石藥煅煉之而後用水飛過大約十數回至其丁寧注意者精精密密自號除去石中所含有之火毒予甚疑之其所謂火毒也者爲害如何乎用水飛過則其所增功力幾許乎而藥物之製本非一途有可煅煉者有可生用者有可風化水飛者若不知之而謾爲煅煉水飛以企望藥力強大者何哉應粗而密應密而粗若經水飛十數次則却恐脫去自然固有之力而化於無用廢殘之品此不明藥物之質不達精煉之理徒爲苦心勞志遂製作無益之物不亦愚乎

點劑

點藥和蜜者一者包護龍麝芳香透竄之物而不令風化飛散也一者塗抹眼珠而令滋潤緩和也然甘味粘稠之品者制伏峻烈之勢緩解收斂之力故蜜劑比粉末劑則効力減半矣况飛過數回脫亡其銳氣者乎初學之士先究盡藥性而後可活用焉不然則百無一功矣

噴鼻劑

噴鼻之藥劑古人既稱用而其方亦爲不少焉然近世眼科之門用之者

幾希也。適雖有用之者，多出于口受家傳之一路，非有窮極其法方。此有法而無用也。故予懇舉數方，以告有志者。此乃眼科應用之貴劑，而頭痛熱眼及內外二障，皆能奏效焉。概之雖有噴嚏者，洩淚者，流利稀涕者，吐出粘沫者等之別，皆是開達頭腦之鬱閉，快復神經之衰弱，流通氣血之留滯，外出上衝之汚毒之方法也。按蠲毒逐邪者，自然逐毒之外，如汗吐下利水放血發泡釀膿串線等，即其任也。水銀諸劑，導出邪毒於津唾，鼻諸法，誘引鬱毒於鼻口，同是驅邪之妙術也，豈不鄭重乎。

吐劑

汗吐下之爲方也，導出諸毒之要術，而僻村寒鄉之草醫，亦能知之。然世醫馴於下，而不熟於吐方。蓋吐方者，有功於留飲宿水及結滯于胸膈之諸證矣。比於汗下，實捷徑之一術也。予頃年熟察患家，發起胃中之汚液者，十居於七八。水飲之爲禍，豈可不懼哉。而胃中釀生汚液，則其毒混流于血中，遂致上攻於眼目，故可用吐方之證甚多矣。如昏花雷頭風黑障青盲風眼疫眼弩肉羞明等，審其腹候，察其病因，皆邪毒鬱結于胸中而所致也。宜吐之，慎勿輕忽。

放血灌水

此二術者，頗行于世，而其書亦流布焉。故不必贅言。惟述予門所用之標的，以令知其大綱耳。放血之術者，醫家之寶法也。詳診病機而施之，則有應手取效之妙。其所主治者，上衝頭痛鼻膠骨痛風眼疫眼疼痛羞明，及

赤腫焮熱等之眼疾也。輕證者，百會眼胞太陽穴重劇者，委中尺澤刺之。但瀉血有度，看患者之強弱，與血液之過不及，而宜斟酌焉。灌水之術，亦不過此數種之證候耳。其法應流冷水於下，如打撲損傷之眼目，出血不止者，宜在其部淋滴冷水，然而放血者，比於灌水，則其用頗多矣。張子和曰：治目暴赤腫隱微難開者，以三稜鍼刺前頂百會穴，出血大妙。其言雖不盡蘊奧，尙足以取其規則矣。

各國殊證

人生於地，命懸於天，而天之所命，有貴賤貧富強弱肥瘦之不同焉。人人稟賦既已不同，則天下四方之病態亦不得不異也。蓋疾病素出於天制，故有山川之形勢，土地之美惡，高燥卑濕，山丘沃野，食餌之厚薄，寒燠之異宜，則各地之疾病亦不一般也。予以醫事，負笈於千里，頗認得其病情，然寰宇之廣，人民之多，豈盡測之所能盡哉。今述其所目擊，聊爲方法活用之一助耳。夫大都通市之民，宴安逸樂，足蹈煙花，口飽膏腴，故其所患者，留飲脚氣，勞瘵不遂，梅毒淋痔等居多也。其眼目之證，亦關係此諸證者。十有七八焉。南方濱海之各地，氣候溫暖，草木不萎，蟲蛇不蟄，山野常蒸發濕微之氣，加之喫膏腴之海族，是以食癩腫瘍爛眼內翳極不鮮焉。北方之諸地，冬春之時，積雪盈丈，朔風冽栗，土人常穴居於雪窩裏，是以鬱塞身體之蒸發氣，且雪光潑眼，自發劇動，起上衝頭痛，遂變于風眼疫眼者甚多矣。故越羽之諸州，多有瞽瞍焉。東方常總之二州，大江縱橫，天

下尤一之水國。其地卑濕。是以濕眼上衝眼過半矣。關東之諸州。至於山海遠隔之地。則廣野渺渺。眼不見鮮魚。身不觸瘴嵐。飲食淡薄。氣節中和。故比他邦。則百般之疾病。自覺微少。或如信甲二州之曠生風粟。四國之瞳孔病。西肥崎陽之內障疳眼等。殊勝于各州矣。括之沿海之邑。眼疾尤多。而山野之鄉。稍少焉。此因地氣偏頗。與攝生異同也。蓋天下之廣。郡縣之夥。細見審察。則各鄉各邑。亦不得無偏有之患。禮記云。中國戎夷五方之民。皆有性也。不可推移。故順其性施治。則事半而功倍。若戾其性。則無益而有害。學者會得是之理。則當以臨變應機。而無刻舟求劍之弊。

溫泉害目

各處溫泉。其所主治。雖一一不同。然大約舒暢筋骨。融通血液。燥瘡復痺等。此其用也。但病毒劇盛之時。未遑治療而浴之。則却致逆攻。動至斃人。其輕者。亦作廢殘之人。如眼疾者。最可恐戒焉。何則。擾亂鬱熱。內陷瘡瘍。動血耗液。積毒竟薰騰於眼目。全使之不得救焉。嘗聞北越鐘懸信州。諏訪西肥雲仙。其溫泉專治眼疾云。是以四方患者。競赴其地。去時尚是小恙。歸時已成不治之盲。可不悲歎哉。

攝生禁食

夫人奉父母之遺體。折是生有涯之福者。皆因失攝養之道也。故攝生保護天壽之要術也。其爲法也。節飲食。適動作。開心寬氣。靜養保重。而調理體軀。則雖罹疾病。藥効甚速也。且諸般眼疾。可禁忌者。夜業讀書。罵怒悲

憂勞力苦志耽酒淫色。或燈下看物。或屢浴溫湯。或觸光輝。步熱地。向炎煙。或辛辣之物。膏腴之品。鹽藏之肉。及堅硬粗惡粘稠之食。固宜慎之。且務清掃居室。躲避光輝。宜撰易消化之食味。一盡之微。一匙之細。關係於軀命者。實非淺淺也。

儀眼

夫儀眼者。偽造之眼面也。本來出於玉匠工冶之手。而非醫門之人也。然近時眼科。傳習其術。而秘其技。唱其奇。以有募厚幣之徒。粗工得一方則秘一方。得一術則秘一術。而欺愚人。釣貨利。卑劣賤陋。可惡之甚也。故雖小技。亦預知製與用。而勿見惑於妄醫矣。其爲用也。疫眼風眼之壞證。及醜惡之眼目。可施於患其隻眼者。而患雙眼者。不能用之也。其製用硝子。造圓形之眼目。在其後面彩畫白膜角膜瞳孔之形狀。至其眼珠之大小。自然之潤色。務要擬似於無恙隻眼摹寫。宜倣西洋油畫法。其法記于左。

第一瞳孔



松煙 荳油（煮用）二味調勻

第二毛狀綫



墨

第三葡萄膜



松煙 辨雅里士 荳油（煮用）分量適宜

第四剛膜



白礬 石膏 荳油（煮用）

第五白膜



白礬 石膏 白礬 右三味合煮分量適宜

彩畫全形圖

製造之法大略如此。工拙在其人矣。若有眼目所陷凹者。炸蠟充實於儀眼後面。而要使之固著。若夫少壯之婦人。深閨之處女。不幸患是等之證。則自愧其醜態。有誓不見人者。其意實可憐焉。此具雖無益於鑒視。美好其外貌。聊足以掩醜矣。所謂惻隱之心仁也。瑣瑣小技。亦是一點之仁耳。

苦寒之辨

大凡苦味之藥劑者。其性溫熱。而強壯胃。增膽汁。專資水穀消化之力。散血中滯滯之邪者也。古人不通其理。謾謂苦味也者。其性寒。故配當家妄述目病屬火之空譚。主張苦寒涼血之說。設苦味制火之誣論。茫乎如捕影繫風。何得施的當之治哉。蓋胃者。受容飲食而輸送之於腸。製造靈血二液。以榮養百骸。保全性命之根基也。故溫涼滋和。無所不關焉。然人不密於攝養。則所受納之水穀。亦不能盡其職。竟變成腐敗之惡液。而為禍亦不淺矣。故眼科用苦味者。以資胃之官能。制伏宿水為主。非謂涼血之

謂也。俗間嘗云眼科專用冷藥。不益身體也。招其誦者。醫家所自取。而非世人之罪也。噫。

逐機活用

夫我道者。雖不出內外之範圍。然古人各自執其所長。遂至分析。有各科之名號。故後世從事之徒。割據一方。守持其法。互相權衡。而爭優劣。此固小量窄器。僅抱一術。而不能達變應機者也。獨嘯菴曰。醫者以病爲師。旨哉此言也。實千古確論。非活用方法之人。則不能知其意也。雖涉獵萬卷之書。不證之於事實。則亦何益之有哉。假令有高談奇說。聳人之耳目。苟無益於治術。則皆屬蛇足。田野方法。亦能奏奇効。則豈不珍重哉。故醫無古今之別。方亦無古今之別。惟撰其善者而活用之耳。徐而菴詩論有言云。余二十年論詩。祇識得一法字。近來方識得一脫字。詩蓋有法。離他不得。却又卽他不得。離則傷體。卽則傷氣。故作詩者。先從法入。從法出。能以無法爲有法。斯之謂脫也。其事雖異。其理則同矣。乃是活用方法之妙語。故拘泥其所學。而不能脫法圍。則不能知其機活運用也。近世方書。如眼目之論。根於五行。本乎五輪八郭。其說杜撰孟浪。何足取乎。扁鵲曰。病應見於大表。終古醫家。以之爲口實。而其黨取證捨因。今察其徵候。見於外者。無如眼目者。然於眼目證候。毫無知見。則彼何謂取證乎。豈非不稽之論耶。蘭學家亦可思矣。彼所言者。盡以信之。則所謂不如無書也。其說皆論死物耳。故至其活用背理者。亦不少焉。且風土稟賦既不同。則本邦固

有之病。彼國或無之。彼國所有。亦本邦或無之。然則如藥物。亦非考窮思索。而親歷驗之。則其可否。何得能辨乎。周禮云。橘踰淮而北爲枳。風土之不同如此矣。近世方書。其論迂遠。然撰其善者。則非可盡棄也。張介賓曰。眼目之一證。雖古有五輪八郭。及七十二證之辨。余嘗細察之。似非切當之論。徒資惑亂。不足憑也。以愚論之。則凡病目者。非火有餘。則陰不足耳。此論足使後世眼科改面目。故拘執於所學。則不能看破其弊。緊縛於方法。則不能透脫其範。活用之者。存乎人而不在方焉。從法入。從法出。縱橫自在。如孫吳之用兵。至其玄機。則非楮墨之所盡也。戰國策云。以書爲御者。不盡馬之情。信哉斯言乎。

眼科錦囊卷二

東武 本庄俊篤士雅著 門人

松代 小山玄敬以恭
長崎 梶井元鶴士篤
全校

外障篇

病係睫毛之證

睫毛內刺(附)重瞼

漢名拳毛倒睫。睫毛一二根。乃至十餘根。反生逆倒。而刺戟眼珠者是也。此證有天稟者。或有久患眼疾之後。上瞼痿弱。或老夫血氣衰弊。瞼皮延伸低垂。而失其守。撞眼珠者。皆此證之起原也。蓋睫毛爲內刺。則每一瞬。殆覺不可堪之苦楚。遂羞明怕日。生翳起膜。若棄而不療。則日後必變於異證。輕則遮明。重則失明。又有一證。名重瞼。此固有之睫毛重生。而內生者。逆刺眼珠。此證往往有之。

治法 內服無効。治在外術。其法拔去逆毛。而用火鐵。或腐藥。以可剔除毛根。然此取一日之効耳。經日之後復生焉。欲全治之。則有切斷夾肉之二術。如法用之。萬無一失矣。切斷之術。用剪頭切斷低垂有餘之瞼皮。爲縫合。與金瘡法無異也。夾肉之術。用竹夾。或銅夾。緊夾有餘之贅皮。七日而剪斷其贅皮。決勿使患處見濕。

睫毛脫落

睫毛脫落者。因患爛眼人。毒液腐蝕其部。或天行病。或沈痼之癰。瘡而得此證。又切斷兩瞼閉著之後。竟絕毛根。係其患者。亦有之。此證不能避外來之飛塵。加之濕爛污穢。以致生薄翳。

治法 患爛眼而睫毛脫落者。治其本病。則睫毛再生。因他證發者。不治。

病係胞瞼之證

眼瞼閉著

此證上胞下瞼爲閉著者是也。原因誤治眼瞼外面之瘡瘍者。被湯火傷之時。不堪疼痛。而經日閉鎖眼目。兩瞼癒著者。或發此證。又嬰兒有稟賦而然者。此證有治與不治之別。附著眼珠者。此爲不治。惟瞼緣相閉著者。務用手術則治。

治法 宜注意看定其所閉著之處。用快刀切斷之。其法左手摘出。右手以鉤尖刀勾斷之。以綿花浸稜爾撒謨塞兩瞼。刀痕以繃帶包護之。速痊爲佳。

瞼著眼珠

此證上瞼附著眼珠。而干礙開闔。竟致失明者是也。亦有稟受而然者。有因湯火傷而然者。西說所謂因眼珠外部爲潰瘍而致然者。予未嘗親之。治法 宜用快刀切開其附著之肉。亦惟在補助便於開闔。並不期再

生明亮。

瞼焮腫

此證發自眼瞼損傷。眼胞瘡瘍。或血行不利之婦女。或大病後。及焮熱眼諸證。此滯塞血熱之所致也。

治法 發表劑。下劑。通經劑。塗藥。腐鼻劑。瀉血等。宜從證索因。以撰用焉。予欲細演其義。恐涉於冗繁。故不贅。

瞼浮腫（附）空氣腫

瞼浮腫者。胞瞼腫泡而不變皮色。又無疼痛。此證濕眼及顏面水腫等之所致也。或風眼疫眼有兼發之者。一證有不畜水液。而眼瞼膨脹者。名空氣腫。

治法 內服山西湯。及苓桂朮甘湯之類。又兼用葛根湯。鹿角湯。而發表之。外用洗蒸劑。詳附方空氣之證。宜用鉛砂蒸劑。解圍煎。屬於疫眼風眼者。宜治其本病。治法詳於兩條下。

結石腫

此證小腫爲硬結者也。腫中含包如雪白軟骨之結石。每開闔瞬動。衝摩眼珠。以起焮熱。導赤脈。生翳遮明。

治法 用小鋒鍼刺破腫頭。除其結石。則其患頓息。但發起翳膜者。俟施手術後。宜行治法。

麥粒腫（附）固結腫

漢名偷鍼眼。乃細小之腫瘍。生瞼緣弓狀軟骨之部。其初起發痒。而後焮

腫疼痛。必爲膿潰。惟是小兒少壯之人。往往有之。大人極少也。誤治之。則堅硬甲錯。變成固結腫。若積日經月。則必刺戟眼珠。以發翳。

治法 起先用鉗鉗。而可除其膿。自然膿潰漏脫者。亦爲不少焉。倘若變於固結腫者。宜用洗蒸劑。以緩和之。割破腫頭。除去所藏病毒。此證有屢發者。此胃中畜積汚液之人也。施手術之後。宜與下劑。

瞼生風粟

和蘭譯書名稗腫。上下瞼裏發小腫。其形駢生。而如麻子如粟粒。以針破其腫粒。則出凝固透明之液。此證胞瞼裏面小機里兒。前人謂云 畜粘液。漸凝結者也。竟摩擦眼珠。生翳遮明經久。則致昏暗。

治法 翻轉眼瞼。用小鋒鍼。刺破其腫粒。用如匙頭銀篋。宜仔細掃除所畜藏之物。用玫瑰花露洗淨之。內服發表劑。若有赤脈者。兼用下劑。

爛弦風（附）胎風赤爛

此證眼瞼赤爛。或痛或痒。常摩挲不能去手。荏苒累年不痊者是也。至太甚。則皆帷帷破裂。而出血大抵眼瞼細絡。畜鬱蒸之熱。竟釀成苛冽之液。而赤爛盡蝕於眼瞼之外面。其病因雖多端。平常之患者。或多血。或粘液質之人。鬱結蒸發氣。而罹其患。如小兒者。多因胎毒蛔蟲。及胃中酸敗液而發之。如婦人者。因經水不利而致之者。亦有之矣。漢人另載胎風赤爛一證。而述三條之病原。其論曰。初生時。血露入眼中。洗不乾淨。而生是疾。又云。在母胎中。其母不知忌口。此卽胎毒也。又云。有乳母壯盛。人抱兒供兒

之際。口未哺乳。頭乳汁脹滿。洒然射出。衝入兒眼。亦能生出濕爛。若衝射顏面。亦或疵濕瘡痒。大抵此三證。同號曰胎風赤爛。此說迂遠。不足取信焉。蓋小兒分娩之時。灌浴之前。未見有開目者。豈得有血露入目之理乎。如母不忌口味之言。當以爲保育之戒。不可謾廢也。不但忌口味。而貽其害而已哉。其父母有病之時。受胎之兒。不免遺毒之患。此病出先天而爲難治矣。如赤爛者。小急得痊者也。然未免生他證。况於險惡之遺毒乎。故爲人之父母者。須戒慎其始矣。如乳汁射目發此疾之論。實爲妄誕。何則。乳汁者。保育嬰兒。天稟滋味也。豈爲損害嬰兒而設之乎。古今眼露取用乳汁之方。爲不謬矣。然則用之之人。皆可患爛眼也。予屢見小兒患眼目者。雖點乳汁。一未嘗見受其害者。爲之發一笑。如乳汁射面生疵濕瘡痒者。其乳母固所浸淫酷毒沈痼之婦。而抱育之兒。不得免傳染之害也。若兒果發不測之險證。不但乳汁注射眼目而係其患而已。服惡性乳汁亦然矣。認之以爲小兒爛眼之常態。則恐致誤治。

治法 大人爛弦風者。內服葛根湯。鹿角湯。大青龍湯。桃核承氣湯。如神丸。通經丸主之。癩家宜撰用七寶丸。神効煉薰劑之類。小兒胎毒者。鷓鴣菜湯。兼用緩汞丸。逐蟲丸。而后用紫圓下之。屢用屢効。

風牽出瞼

此證似爛弦風而異也。下瞼翻轉。露出赤肉。流淚汪汪而不息。形容醜怪。此因天行病所生也。如小兒者。有發于遺毒者。此證和蘭眼科諸書。名眼

瞼外反其治法條中載在夾斷所翻出之赤肉之術乃不詳審證候則決勿下手如不經心却傷人予往昔遊於信州見有一眼科遇患隻目者下截斷術治療之後卒然變證眼珠潰爛苦惱劇痛真似奇怪遂連累於無急之目不日雙目全致昏瞶加之形容醜穢可憐一箇好漢終成廢癩之人矣予屢見如此之證施截斷術未嘗有得寸効者此因謾行截斷打擾病毒而惹出險急之證者也故不考定其證之難易草率從事則安得不損人乎學者不可不懼也

治法 可做大麻風之治法小兒者用消毒湯可也

上瞼低垂

此證上胞緩垂而壓覆角膜上干礙視瞻者是也久患眼疾之後其部痿弱或扯胞筋即舉筋也之麻痺老人血氣衰憊者多發是證

治法 證輕者可灸三陰交重者可從睫毛內刺之治術

胞瞼結核

結核者眼胞生瘤不變肉色亦無疼痛初生如米粒漸大如龍眼按之移動者名糊瘤或淡紅黑色如軟肉而低垂者名肉瘤漢人名稱結核者非也此卽瘤也和蘭之醫名爲瘤今當從之

治法 糊瘤輕者宜用水銀膏塗抹眼胞上令其緩和流散重者先以指頭按上胞之內外看肉之厚薄就其薄處而療之近外面者用腐蝕劑徐徐點之俟其開口宜除去瘤囊近裏面者用快尖刀橫截之挑出

其瘤所割之刀痕點疥爾撒謊或雞子白在眼胞上置壓定巾可施繃帶如不經心周密則發變證至於肉瘤之證予未詳其治法故姑闕筆

飛塵入目

此證砂塵麥芒之類誤投入胞瞼或步走風地而致其飛入者是也若塵埃粘貼于胞瞼裏面捨而經日則爲膜被粘定每瞬動摩擦眼珠痛楚難開至于太甚熾熱腫痛恰類於疫眼劇證起先在塵埃射入之時不拔出之則終必生翳膜幾乎失却瞻識之機其他結毒眼疫眼等之證而蝕刺羞明似著此證者間有之宜留神調治萬萬勿忽其所驅除之法先取胞瞼爲翻轉仔細看定必有積血爲塊或少尖起之處開破其部則認得所粘着之物惟其經久者不能容易看取焉或深匿藏胞內者無術之可施予遍遊各州留意於醫事往往聞知除塵之名工然多是田野老媽寒村婦女也省其所用之手段甚爲奇異予始傳聞其術云將舌舐胞瞼之裏面或用銀簪頭攪擾胞內取出所粘著之砂塵雖積年之物無一不除淨予不敢信其言常笑之曰鄙術妄技何足爲奇哉嘗見大都通市間立於街頭而賣藥之徒手將硬膏或鐵篦子之類攪轉眼中而聲言云能除塵埃此惟作戲法以騙瞞衆人聊糊其口耳彼山野婦女之除塵埃亦不過爲此等之事也予偶在一老媽用工之近地再傳知此事半信半疑欲審明其然否因過訪於老媽之宅目擊其所療以指頭按摸眼胞上兩三次而言塵埃有無毫無差謬即用銀簪頭攪轉胞瞼內而取出所粘著之物

僻邑之老媽。生來直愚。何敢賣藝。况在予親自傍觀之際。而得爲僞瞞之工夫乎。於是始知其不謊誕矣。訊問老媽云。此術何人授之。媽云。此不是師受。又不是祖宗之傳下。只管療治許多病客。自爲療慣耳。予又推問其兆候。與療術。媽云。惟以指頭摸擦胞上。則有無之處。自可明知也。至其療術。則用簪頭攪轉其粘著之處。部以爲脫去耳。予聞其言。慨然歎息。此術本是雖係於小技。彼以病爲師。親蹈其實地。自得其妙機。何庸醫之所跋及耶。嗟乎。寒村老婦。雖目不知丁字。心不辨菽麥。至其妙處。實非言之所能述也。然而凡工以術之出鄙賤。途視而不顧。却自不知其術之拙也。爾後予覃心焦志。屢試屢効。不敢負老媽所親授。其看法與治術。雖鄙邑陋技。豈不珍重乎。

治法 輕者。用蕤荷搗汁灑目中。立出。服鳳仙子一味。亦妙。重者。非用手術。則不治。

癢極難任

平易方名眼風痒。其痒難任。搔擦不歇手。此鬱塞蒸發氣以所發者也。大凡風痒之證。在疼痛進退之時。血氣收縱之間而發之。故知風痒爲疼痛輕證也。夫身體風痒。摩擦之。則流動所鬱滯之血液。而覺其快心。其理與之一般。故用發表劑。使快通所鬱塞之血。則痊。

治法 葛根湯。烏蛇湯有效。外用噴鼻劑。點藥。神效丹。屢用知其奏効。

胞瞼臃肉

瘰癧肉之爲證也。胞瞼裏面強膜之分際。生出瘰癧肉。漸漸延長。其色紅赤。肉根細而形如括囊者是也。或有肉根稍大。如小舌者。外科正宗云。眼胞菌毒者。眼瞼內生出如菌。頭大蒂小。漸長垂出。甚者。眼瞼流淚。亦致昏瞶。卽是之類也。此證有順逆二證。其順也者。瘰癧肉柔軟而無痛。其色淡紅。其逆也者。瘰癧肉頗強硬甲錯。而其色紫赤。能摩擦眼珠。其原因胞瞼細絡畜血液而爲膨脹。遂作肉狀者也。雖有順逆。治法無別。

治法 翻轉胞瞼。將利剪頭切斷其肉根。以冷水灑之。霎時就用一元丹調和乳汁點創痕內。服三黃湯。

兔眼

此證因胞瞼之諸筋麻痺攣急。或痘瘡腫瘍之癰痕等。使胞瞼短縮。故眼珠常爲露出。雖睡不能合睫者是也。概屬不治。

治法 和蘭有橫截上胞之法。恐非溫和之術。又有塗抹緩。糊劑之方。豈有見効之理乎。予未審其應用之方法。錄以俟後考。

病係內眥之證

多淚眼（附）迎風流淚

此證大皆流出許多之水液者也。或迎向冷風。或照映明亮。或冒觸煙火。則洒淚淋漓而不止。今分其證。配以寒熱二途。其爲寒證也。因鼻管之閉塞。淚孔之衰弱。或所收藏淚液之諸具。自遲緩放開等而滲出水液者。名冷淚。卽漢人所謂迎風洒淚也。其輕證者。冬月遇着寒風。則因外塞表內

鬱蒸氣而淚鼻二管漏洩淚液即與在感冒之始塞膜理流利稀涕者無異。故夏月自爲希少焉。其爲熱證也。風眼疫眼。或梅毒胎毒痘疹蛇蟲睫毛內刺飛塵入目等之諸眼疾。在其交發之時。而流出溫煖之淚液。故名熱淚。又有一證。其淚液帶辛辣之氣味者。間變作爛弦風。

治法 閉塞外表者。發表劑主之。淚管爲衰弱者。灸少陵三壯。或眼科全書所載乳香川烏丸亦可也。然此證間有難治者。而病者患瘧。或熱病之後。有自痊者。至於熱淚。宜從本病治之。

乾燥眼

此證反于多淚眼。其所沃之淚液。乾燥凝滯。見物不爽明。若經久則昏濁遮明。至其重者。必有喪明之變。或云原因疫眼。及熱病大病後氣力衰弱等而發焉。然予熟試之。來自梅毒者十有七八。尚可醫治。因氣力脫乏而發者。不可輕忽。若持久不治者。後必發起鬱憂勞瘵。及種種之峻證。

治法 內服六味丸。蜀麥加機奈。機奈人參湯之類。又宜投噴嚏劑。及薄菜白芥子放開淚管之閉塞。引其淚液。外用神液丹調和乳汁屢點。然輕者尙可治。重者難治。出於梅家者。用薰劑及紫微煙。多有驗效。

兩瞼粘睛（附）胞肉膠凝

此證如膿膠液緒溜大眥。每宵睡寐之時。兩瞼膠凝粘緊。經久則生翳。瞼瞼不明。羞明怕日。卽是毒液聚於脂肪吉里兒而所致也。胎毒微毒淋病帶下等。釀是患。漢人雖區別爲二證。原是一證。哀學淵微睫毛內刺夾肉

之說予不敢信焉。

治法 內服三黃湯加朱砂少許。或薰劑兼用艾連洗在眼胞裏面。宜屢放血。

淚管漏（附）淚囊蓄水腫 小管漏

此證漢名大眇漏。即淚囊中緒蓄如膿之液者是也。以指頭按其部則大眇流泄濁液累月積年不肯治焉。原因如梅濕淋痔赤白帶下等。酷烈之諸毒爲上攻。而其毒浸淫鼻膠。篩骨邊發生小腫。以病毒攻着鼻管。遂爲閉塞。使鼻孔不通。而其部諸液亦變作膿狀。故濁液不流泄鼻口。而漏溢淚管。然其閉塞之少者。或有少出鼻孔者矣。說者皆云此因淚囊生腫瘍。淚液化爲膿而流出。淚孔者也。豈非撮空之論耶。儻若淚囊生腫瘍以釀膿。則其部必熾熱疼痛。其所流出之膿汁。先腐蝕大眇。而所觸之眼珠胞瞬亦不得不潰爛腐壞也。何待積年之久乎。此證固無疼痛。雖有之亦微覺痒痛耳。其所流泄之液亦無腐蝕潰爛之患。則可見非真膿液矣。况有淚液化成膿汁之理乎。予嘗熟視其所流出之液。淚液與濁液自分別而不混交。說者之臆斷可以知也。予於此證屢閱西序之書。法術雖多。不足掛齒牙。惟有布連吉疑私兒二哲之術。尤爲優長。然其術頗覺冗煩。不便取用。予敢改其術。從簡易以試之於真境。甚得驗效。予之所用治術。備載于左。冀後學宜撰用。一證者蓄水腫者。即淚孔流利稀液者是也。此證同前。而其液不成膿濁也。漢人另載小管漏之一章。然予未詳審其證。故暫

關治法以俟後考。

治法 輕證者宜在淚囊外面用壓定巾更施繃帶乃能防護其濁液所留緒之患庶得漸自痊蓄水腫亦可照此法重證者宜行截法其法用紙作細捻約長五分許微開尾頭以尖頭蘸烱蠟穿入淚孔屈折其所露出之尾頭攤硬膏貼著大眥外行是法者使濁液留滯淚囊而不泄出則其部濁液緒畜自爲膨脹隆起以得容易看定患處而便下手也既看定患處則就其膨脹之部將小尖刀此刀手所新製造者縱截二三分深以及淚囊爲度而宜小水銃用片腦水灌洗之洗罷以乾綿撒絲充實刀瘻白布浸米醋以覆之更施繃帶而每日改換乾綿撒絲令其吸盡濁液也約三日爲限復用蠟紙捻再穿入淚囊宜照前法長約及鼻管爲度其創口傳秘爾撒謨外用金鎖膏併合其口鼻嚏即醒散務令噴嚏則不過二七日而取功。

內眥瘰肉

此證因淚阜爲腫脹如瘰肉者隆起大眥其形似桑椹其色紫赤而疼痛或有軟和紅色而無疼痛者。

治法 用鍼頭徐徐刺破腫頭宜以溫金屬熨之內服防風通聖散病係白膜之證

天行赤眼(附)疫毒腫 大患後生翳

疫眼之爲證也一種毒厲之氣當其蒸發之時偶被感觸一人患之則傳

染一家。遂及一邑一郡。猶如瘟疫然矣。其證白膜鮮紅。頭疼目痛。粘眵多淚。羞明怕日。或兩瞼浮腫。癢澁難開。至其太甚。則生星起翳。名之大患。後生翳。即疫眼之重證也。儻若誤治之。則間變如風眼。竟爲盲瞶者有之。故遇其劇證。則宜照風眼治例。斟酌療之。和蘭記載眼瞼疫毒。與白膜疫毒腫之二證。此亦感疫氣而發毒腫於其部。竟變成死肉者也。予按蓋是眼疔之種類乎。尙俟後考。

治法 輕證者。內服發表劑。兼用攻下。外用清涼塗藥。紅漿水。玫瑰露。神効水。石膽水。噤鼻劑。熾熱難堪者。刺絡瀉血爲緊要。發泡膏。貼額顙百會亦可。

風眼（附）暴赤眼 暴風客熱

風眼之爲症也。白膜起血線。滿目丹黃。粘眵熱淚。淋漓不止。胬肉蟠脹。包迫角膜。而角膜見似凹陷。兩瞼浮腫。澁疼酸痛。夜間殊凶。目窠大熱如火。烈。每日晡時。項背惡風。寒熱往來。頭痛如割。其脈洪大而數。煩燥苦悶。狀殆似陽證傷寒。至其劇甚。則謔言妄語。狂走不寢。竟致使眼珠爲腐敗膿潰。或突出。或角膜破裂。及凹陷。其輕證。亦角膜如蟹眼。瞳孔欹側。或厚翳頑膜等。尙有百般之變。故難論定焉。此證甚係緊要。不可藐視。若變成重證。則利害太甚。可恐可驚。故不詳審其證候而施治。則安能取功。不但不能取功。殆致失明。悔之何及矣乎。予嘗分別真假二證。或問曰。其真也者如何。曰。其眼目有確然之見證。蓋如多血及粘液質。或觸冒寒氣。遽然受溫。

氣或平常項背拘急。或胃中蓄積瘀穢毒液。或熱眼誤用香竈收瀝之點藥。或生平貪嗜辛熱之物等者。皆發起真證之基本也。其假也者如何。曰。身患他病。遂波及眼目者。爲假。即因大頭風梅毒痲痺疥癬胎毒等證。而攻眼目者是也。其所從來各不同焉。故治法亦不能無差別也。故非潛心苦志。則奚有取驗奏効之日乎。自今眼科專門之徒。遇此等之證。茫洋失措。何有鑒定之識乎。終使患者。空爲昏暗之廢人者。不可勝數也。此以無其詳說故也。予述數年研窮所得之真假證候。與治法標的之實徵。以示世間童醫。幸勿致差誤。所謂真證之徵候者。胥肉赤脈共丹黃色。而恰如紅絹包著珠子。其初起也。先前眼目疼痛。而後頭腦劇痛。其脈洪數弦緊者。乃是風眼之正證也。假證之徵候者。胥肉赤脈皆帶紫色。其脈沈數極其原因。患黴濕淋痔。忽其治療。服燥劑。浴溫泉而所發也。如嬰兒者。胎毒諸瘡。卒然痊之後有之。自大頭風所傍發者。雖無異於真證。起先頭痛劇甚。而及於眼目。其頭痛偏則眼目亦患偏眼。正痛則眼目亦左右均患。此是三證。宜以主客見解焉。活幼心法云。凡治病必先辨寒熱虛實四證。望聞問切。無非辨此四者而已。四者了然于胸中。則用藥取効。其應如響。信哉斯言也。可以爲醫家之貴範矣。不琢磨此道。則於疑似毫釐之際。豈得瞭然乎。漢人雖別表暴露赤眼暴風客熱之二證。共是風眼緩證。而異於疫眼傳染之證焉。先輩以暴風客熱充於風眼者。實爲不穩當。爲何。則雖其證不異。而不使眼珠至破綻膿潰之劇。故以爲風眼之緩證也。風眼之

名本邦之俗稱。而非漢名也。然書中間有風眼之名目。實是同名異證。如所謂風眼爛弦。頭風風眼。甚多矣。不可混同焉。漢人惟載輕證。而不及劇證者何乎。予遊于長崎時。友人某語予曰。往年舶來清客在崎陽患風眼。瞳孔破綻。竟致盲瞶。然則彼國從來有此證。抑不服本邦之水土而患之乎。記以俟識者。蘭人區別焮腫眼。十有餘種。以此證爲焮腫眼之劇證。其所論甚屬微細。然審診詳考之。則病因徵候。比似本邦之所謂風眼。則往往有不同者。此無他。因風土氣候之異。稟賦食味之殊。而所以其證候有差等也。何足致疑哉。歷試之于事實。經驗之于真境。則彼與我同病異證。同證異因之理。自分明也。後之學者。敢勿函莽。

治法 眞證者。用吐劑。予別有一方。神効靈驗。實是妙劑。然恐人之妄用。故不錄。惟授及門之弟子。自大頭風發者。吐劑或烏頭附子之類。有奇効。此二證。若不兼用攻下。則至使眼珠破裂。自微毒發者。發表劑利水劑主之。若於其初起錯用瀉下之劑。則恐有喪明之變。俟其病勢衰乏之後。當用與下劑。庶幾其不差。更在太陽尺澤委中刺絡放血。又於百會顳顬貼用發疱膏。或以糊劑塗着足臑。屢用塗藥。噴鼻之劑。點藥用蚯蚓露。苦薏露。玫瑰露等。至於眼痛劇者。灸少陵。小炷三壯。及三里三陰交女室。一曰女膝在踵之部赤白肉之分際蓋所謂奇穴也各二十壯可也。而可令患者。勉剃頭髮。屢以冷水灌洗。此證決禁石藥。及芳香之點劑。誤犯之。則實非藥石之可救也。今所陳列之各法。亦聊示其治之標的耳。以一斑之偏見。而應

無窮之變機。則必致差治。活用在其人而不在方也。若眼珠生瑾瞳孔失常者。名之風眼壞證。非是技術之所能及也。暴露赤眼。暴風客熱二證。宜照風眼之治例融通以療之。若草率從事。則變乎不治之證。慎之戒之。

痛如神祟（附）痛如針刺

此證眼目不變其常。或帶微紅。眼珠有時痛刺。恰如以針刺之。而其痛無根基。晝痛夜痊。或夜痛晝痊。或發或息。此子宮衝逆之婦。毒陰伏之人。多罹是患。其爲徵也。脈數煩渴。淚出而其痛間歇如瘡者。則存在毒于血中之兆也。眩暈頭痛。白膜帶青。或微紅刺痛。夜間殊甚。忽來忽去。纏綿難開者。子宮病之兆也。漢人雖區別神祟針刺之二證。本是一證。未嘗有別也。

治法 兆於婦人子宮病者。苦薏煎加大黃。桃核承氣湯。抵當湯。通經丸。如神丸。兼用小建中湯。助陽和血湯之類。兆於毒陰伏之人者。排毒劑。兼用神効黃耆湯。桂皮加附子湯之類。外用泊夫藍地黃煎汁。加阿片少許點之。疼痛劇甚者。灸少陵。

白膜脈腫

此證血脈腫脹如藤蔓。以纏絡白膜者是也。蓋白膜外面者。以水脈之纖維爲質。乃眼目蓄多少之熱氣。血液留滯其部。則不能順流。竟混入水脈之維條以致之也。世上庸醫之徒。稱膜者。多指此證。且區別種種名號。然

皆取其形狀耳。非有深意也。至如二十四障。四十八膜之稱。愈屬孟浪。何足論耶。

治法 看定血脈之根基肥大之處。用鉤子勾起之。將利剪截斷之。用小烙鐵以烙截口一點。更以一元丹和乳汁點之。

大皆赤脈穿睛（附）小皆赤脈穿睛

此證卽白膜脈腫之一種也。內皆或外皆發起赤脈。撞貫瞳子上者是也。又一證有赤脈之末梢。生數多之細歧枝。蔓延角膜上。竟變成膜。翳光埋照者。其證似異而無別焉。漢人有言云。大皆赤脈者實眼。而小皆赤脈者虛眼也。可謂迂論。予累年潛思歷試之。實也者。自實。而虛也者。自虛也。何取徵於大小皆乎。

治法 做白膜脈腫之法。宜用剪鉞。內服麻黃湯。大青龍湯之類。有效。若有燥尿者。謝道人大黃湯可也。小皆赤脈。不可抽剪之說。古人之臆斷。勿拘泥。

眼疔

此證在強膜與白膜之分際。生出腫瘍。如粟粒。初無疼痛。而微覺風癢。於其腫之側邊。發起紫色之血線。撞射角膜。其發之勢。最爲迅疾。患者以手摩擦眼胞。或觸物。則忽然發起劇痛。其痛牽連耳內。苦楚不可忍也。寒熱往來。其脈洪數。胞瞼變紫色。腫傍悉麻痺不遂。至其毒之深陷。則腐蝕眼珠。溶化諸液。此證比較於風眼。更加一層之重。其毒之進也。疾如快馬之

加一鞭矣。夫眼目所以發出疔疽者。灰汁鹽一般辛辣之毒。聚在一處而所致也。西洋所謂疫毒腫者。彷彿是證矣。而如眼疔名目。雖嘗傳聞之。其證候茫乎不分明。故屢叩問耆老。非蛇足之論。則牽強之說耳。或錯認赤脈貫瞳之證。以作是證者。亦有之。皆不足憑也。予往年遊于野州。偶見患是證者。初起到第五日。變如風眼壞證。遂爲盲瞶。予見其劇迅。卷舌畏懼。銘心不忘之。後遇着一婦人之患之者。故以所有險狀。懇告其親眷。以調療之。先橫截毒腫之部分。用小烙鐵燒死肉。使水蛭吸血于兩眼。又在大陽尺澤大放血。用鉛糖水灌洗數回。內服機那飲。兼用紫圓。淡旬纔得痊好。惟惜不至洞明之田地。噫。酷毒狠戾肆虐。可不恐乎。患如是之惡證者。實是九盲一明。況至其劇甚者。雖力援天下之藥者。亦無如之何也矣。

治法 予所歷視。不過此二人。而下手者。一人耳。不足取以爲法。則惟述其實徵。以備學者參攷。宜自斟酌。

白膜血斑

此證白膜纖維。儲留血液。現出赤斑者也。又見青紫斑者。間有之。其斑點在一部分者有之。或白膜盡變赤色者有之。原因咳嗽嘔吐打撲。或飲酒過度之人等。多患此證。打撲眼目而發者。以有瘀痛。動生意外之變。小兒百日咳。或大人患咳嗽嘔吐。而持長不解。或酒客屢次過飲後自發者。施治則不日而痊。

治法 因打撲而發者。宜用角法。及刺絡。咳嗽者。小青龍湯。養神丸。鑿

粟殼、舍利別。小兒久咳者，外臺茯苓飲加牡蠣，兼用滾痰丸，以姜汁湯送下。經驗酒客者，甘草營實湯，嘔吐者，小半夏加茯苓湯，半夏瀉心湯，或用吐劑奏效者有之。

胬肉攀睛（附）翳

此證大皆生出帶赤或帶黃之肉贅，漸長犯角膜者也。此因淚阜之纖維爲弛長而所發也。和蘭名之翳，而算入角膜病中者，非也。乃是白膜病也。從來雖下翳之譯字，本與翳不同焉。雖有胬肉之名，亦與他之胬肉不同焉。實瘰肉而非胬肉。漢人言胬肉攀睛與大皆赤脈同證也者，愈涉於荒唐。具眼者自有明識。

治法 宜照下條囊翳之治法。

囊翳

囊翳之名，不典之俗稱也。其爲證也，白膜隆起，白若微赤之瘰肉，軟如綿絮，積年不痊，漸次滋蔓，竟犯角膜，至尤甚者，則掩閉角膜上，隔絕鑒視之機。其翳端首附著眼珠，而當中浮空，其狀似俗所謂蝦蟆之歌囊，故呼爲囊翳。其實亦非翳也。吾友人有命白頭筋之名者，稍當矣。此證與攀睛一般，惟以瘰肉附著眼珠與否，區別爲二證耳。

治法 先將細小利鉤，揭起瘰肉浮空之部，鍼穿蠟絲，以貫通其處，更扯絲揭起，以利剪刀截斷其附著之處。若全掩角膜上者，宜於瘰肉上截開十字形，創痕即點一元丹，行手術之際，仔細注意，勿使剪頭礙著。

眼珠如有血絡者。當截斷其根基。施術之後。宜用青布包護眼目。約過三四日除却之。

雞冠蜆肉

此證白膜生瘰肉。軟弱而色深紅。其狀似雞冠蜆肉。故取以名之。此血液繇留于白膜中。久久遂作赤色之肉狀。漢人所謂如心熱酒毒之說。不足取也。不獨酒客患之。酒量小戶之人。或三尺之童子。深閨之處女。持戒之清僧。罹是患者。亦爲不少焉。

治好 用越婢加朮湯。屢獲神效。或隨證而用鉤亦可也。

白膜黑粒腫

此證白膜生出黑色或淡青色之粒子。大如小豆。圍繞角膜。此胎毒之所致。而發於內部。達於網膜者也。予遊於南豆。偶遇一少年。患此證。左眼點出四箇。右眼十三四箇。見之駭然。再四構思。回慮。無奈之何。記以待來哲。

治法 今闕之

病係角膜之證

雲翳（附）玉翳浮滿 膚翳 丁翳 花翳 膜障 遮障 塵餘翳

夫角膜之爲質也。玲瓏澄明。而輸送射光來映於網膜之器具也。今因多少之事。故汚液留滯於角膜之纖維。以作白濁曇暗。遂致乎妨礙透明之機者。概爲翳障。其爲證也。翳色有白有黃。看視物景。如隔雲霧。或有全至盲瞶者。尋其所來由。頗多端。而不可槩論焉。且因疫眼風眼。或梅家林家

疳眼痘疹等而發者。其形狀亦不一也。有浮沈厚薄。治不治之別。故不審察病態。則何能取功。薄翳者。角膜白色。而如淡霞浮雲。瞳孔矇矓。透視于外者。本是輕證。而明可必復也。厚翳者。其翳厚而有白色。有黃色。又有少辨明暗與否。即曇暗中之重證。而治法亦甚難矣。然於其曇暗之部。或一處乃至數處。有淡薄之斑點。而帶青色者。施治則尚可救矣。經年無全辨明暗者。斷爲不治。一證有其翳甚稠厚。而焦黃醜穢。起于角膜之下部。血絡纏繞。頗作膜狀。而遮明者。縱令有角膜上部現出半月狀少辨明暗。以翳深入其部之實體。故爲不治。予名之曰腐蝕翳。此證發自小兒痘瘡胎毒者多矣。田氏銀海精微舉玉翳浮滿之證。而爲不治。然不詳其輕重。而專以爲不治者。予未信之。各書中載出丁翳膚翳花翳膜遮障等。尙有許多名目。不遑枚舉。皆不過取形設名。總歸障翳之一證焉。古人主張蛇足之說。失真者不抄矣。後學勿取惑。

治法 內服發表劑。下劑。水銀劑。外用水銀蒸劑。及龍麝真珠等之點藥。加緩汞丹一點用之。方則中載數方宜選用若用加汞之點藥。而發赤脈疼痛者。

急取蜀葵煎汁。加沙糖乳汁。屢灑眼中。可以防護其變。而每日用溫金燬之。以散鬱結之毒。則速得奏功。外翳稠厚者。在角膜圈裏。將鍼頭細刺其周圍。作鍼眼細孔。而點刺翳之藥劑。則極妙。

星翳（附）時復神星 白陷魚鱗 冰蝦眼 淚毒翳

星翳者。即雲翳中之一種也。惟不角膜生曇暗而發汚點者是也。其形如

星之懸青霄然矣。故有星翳之名。此汚液在胃。而其毒薰騰於上。粘液留滯於角膜之纖維而所致也。其形狀各各不同焉。今略爲區別。學者宜細察。其爲證也。角膜上生白翳一點。或三四點。乃至十餘點。恰如秤星。經瀆多淚。或赤脈疼痛。其色青白。或淡白如煙如霧。此乃疫眼熱眼頭痛及過酒之人多患之。而施治脫星。則其痕必爲陷入矣。時復秤星者。此發作有時之翳也。角膜上生污點。或生或滅。或生生而不滅。或有春發者。有秋發者。而至期而發。過期則自消。每發眼目漸致衰弱。而翳痕亦愈大也。此證之所關係者非輕也。如有誤治。則殆至喪明。白陷魚鱗及冰蝦翳之二證者。角膜生白翳。其根深。腐蝕實體。其狀如魚鱗。如冰蝦。而發多少。焮痛。鏗刺多淚。至其劇證。則白陷釘入焉。此證雖不異於雲翳。因星翳之誤治。變成此狀。故陳列于斯矣。眞珠翳者。汚點昂起。而白色。或帶青色。其狀恰如眞珠。此固著於角膜之翳也。卽因如梅毒痘疹等酷烈淫毒而所發起也。

治法 星翳輕證者。使蛇石吸之。則其治甚速也。又有一方。名神靈丸。詳方用之必奇驗。小兒兔屎丸爲佳。時復秤星。內服涼膈散。防風通聖散。兼用緩汞丸。點藥鉛糖水。白陷魚鱗冰蝦翳之二證。因婦人血熱者。對證藥劑。兼用螞蟥散。見果効。發自他之各證者。宜按雲翳法用之。眞珠翳。將眼刀些割點頭。點脫翳之藥劑。輕者可治。重者概爲不治。以上所陳列之各證。點藥通用玉漿白玉撥雲比金等之諸方。然其有熱如疫眼者。勿施之。

釘翳根深

此證星翳中之惡證。而角膜上生白色小瘡。及多日則漸侵瞳子。毒深釘入而不遷其處。流利如膿。眵淚。纏痛羞明。先患一眼。必傳於一眼。遂致大患。原因梅毒而所發之癰腫。眼後多有之。初起者可治。進于篤劇者不治。如哀學淵所說者非也。何惟性躁之人。含情之婦。病之乎。

治法 先用玫瑰露苦蕒露之類。緩和其熱痛。而後宜點神効水。及石膽水。內服涼膈散。兼用七寶丸。

膜障(附)赤脈下垂 黃膜上充 頑逆生翳 垂簾翳 癰波翳 膜入水輪 肉狀膜

各證所有之根基。共在白膜。而滋蔓於角膜上。其狀似皮膜。故名膜。蓋翳與膜者。其因同而其證異也。其所以異者。翳者有形無體。譬如煙霧。其形可見而不可捉也。膜者有形有體。猶綿絮之可見又可捉也。其爲證也。先起血線。其末梢生數多之細支別。彌蔓角膜。所輸送之血液。竟滯止其部。自爲白濁曇暗。而血絡愈送血不息。則養長其膜。以蔽玲瓏之質。幾至不能見物景。而從上垂下。淡紅色者。爲赤脈下垂。其白色而一片赤脈牽絆翳根者。爲垂簾翳。醫學入門作垂簾膜從下攀上。其色帶黃色者。爲黃膜上充。同證而如垂簾翳者。爲癰波翳。一證毒劇而膜中釀膿。漸進而盡蝕角膜。初起於一眼。波及於一眼者。爲膜入水輪。又有一種厚膜黃色。而赤絡纏蔓。固著於角膜。恰如肉者。名之肉狀膜。其餘證名甚多。頗厭煩絮。故不贅。

治法 宜做白膜脈腫之法。斷其根株。內服發表劑主之。如便秘者。用

下劑。然因投較下而膜愈進。濃厚者有之。予嘗遇如此之證。與附子劑。屢獲神效。膜入水輪之證者。將萌孽時。宜與慈朱丸。點鉛糖水。若耽延日期。眼珠生疵者。無治之。可施如肉狀膜者。屬不治。

膿瘍（附）潰瘍 水泡 膿瘡 目瘡 漏睛膿血

膿瘍之爲證也。初次起於角膜下部。白膜分際。衝侵瞳子。而罕有發在於上部。其形色白如星翳。漸大。而作爲膿潰。及軟小水泡。至其酷劇。則在角膜上穿漏口。或破裂而流膿液。或膿液凝結。而滯止角膜。若忽治法。則必有盲瞶之變。宜慎之。此證和蘭雖區別。膿瘍潰瘍水泡膿瘡之四證。皆是角膜爲膿潰者也。何必分爲四證乎。本邦俗間所稱目瘡者。卽此類證也。漢所謂漏睛膿血者。目瘡之同證。而穿漏口者是也。

治法 外術。將柳葉鍼。刺膿瘍上。可以驅除其膿。若凝固而在角膜之內部者。宜做內醫法。術下鍼點劑。蓬砂水。神効水。內服涼膈散。加倍桔梗。且有一證無疼痛者。用局方甘露飲。屢見効。如作瘻者。用沒藥散。及將小烙鐵點著漏口。輕者可治。瘻深者難治。

蟹睛疼痛（附）黑睛如珠

此證角膜內部。突出尖高之黑腫。其形小大不一。頗似蟹眼。而疼痛無甚焉。膠凝難開。怕日羞明。此角膜裏面之纖維。貯鬱結之毒。爲熾熱潰爛。而所發出也。至其重劇。則積及葡萄膜。竟壓迫瞳孔。遂作欹側變形。然瞳孔僅存者。以不遮障物。景來映之所。通達網膜之道路。猶不至失明也。或黑

腫潰後。腫痕生翳以遮明者亦有之。漢人雖區別二證。同是一證。濕眼疳。眼嫩熱眼等之證。其所由來也。

治法 將小鋒鍼橫刺無腫處。水液流利。而自消滅。其鍼痕點鉛糖一小粟粒許。後宜以溫金熨之。用黃蘗山梔子煎汁灌之。四物三黃合方加沒藥可多服。如小兒消疳煎兼用雞肝丸佳也。

白膜皺縮

此證即前條膿瘍之證。而角膜穿癰口。以漏出水樣液過多。而角膜爲皺縮者也。或小兒生平喜好暗地幽室。不欲向光輝。仰則數瞬墮淚。而角膜爲皺縮者。此即疳眼也。老人大病時。角膜亡失滋潤。難爲瞬動。凹陷而皺縮者。必死之兆也。

治法 專治本病爲要

病係眼珠之證

眼珠膨脹

此證眼珠爲盈脹突起。至其甚。則至使胞瞼不能閉合。若兼嫩痛者。動輒眼珠腫脹證候。似後條突出而不同焉。決勿混同。當今所有之病因者。使下疳便毒淋痔帶下等下部結毒。作乾燥內陷。遂以上攻眼目者。多係此病。一證諸液盜滿而發者。亦有之。

治法 因結毒者。用薰劑每每得奇效。水液盜滿者。初發行氣香蘇散殊有效。重者。宜用鍼泄出有餘之水液。其法明辨於後條。可併考。

眼珠突出（附）突起睛高 旋螺突起 肝腫眼 白睛突起

此諸證者。眼珠突出。或低垂。而有徐徐來者。有卒然發者。有痛者。有不痛者。或有膿潰者。出血者。其證候不止一端。今區別五等。而令知其大綱。第一證因打額至重。或挈上筋麻痺等。而眼珠突出腔外。其大與尋常無異者。名突出眼。第二證因眼珠內部之嫩腫。角膜突然如彈丸。麻木疼痛。汪汪淚出。此證有兇暴之變。治緩則至平。膿潰者。名突起睛高。第三證即突起睛高之輕證。而角膜變青白色。突起尖高。而其形似旋螺尖者。名旋螺突起。第四證眼珠低垂至頰。其狀如黑角。時時大便出血。而疼痛不可耐者。名肝腫眼。第五證眼珠突出。而赤脈疼痛。眼液為混濁者。名白睛突起。原因結毒而所發起也。其不喪明者。殆希矣。除此各證之外。另有一之奇證。予嘗遊於江都。偶見一丐者。其眼珠與常人無異。而以指頭壓上胞。則眼珠卒然突出。而低垂約一寸許。自為上下運轉。真堪可怪。而後依然收入腔內。如兒戲然矣。見來不太有礙瞻視。做了一場。便是討錢耳。彼其素稟六筋與神經固為弛緩者歟。至今不會其理。豈不奇異之一證乎。

治法 第一證以新汲水屢灌注。則收入如故。然若瞳神經為弛長者。必有卒盲之變。不可忽。眼珠被損傷者。使眼珠急復其本位。而搗爛生地黃。裹在綿裏。以安置于眼胞上。而可施繃帶。此法試之極妙。第二第四之證。將小尖刀小鋒鍼等。刺角膜下際。或橫截而流出水液。則治。其法同於內翳之術。第三證禁用刀鍼。只宜以冷水屢洗。而點鱈魚血。

第五證概爲不治。但其勢微者。尙可救焉。宜急用薰劑。而攻其毒。予於第二第四之初起。嘗用吐劑。或投峻下。既獲大効。雖然。以其證候不同。難論定焉。此證經久。則縱令鍼刺。納其突出。亦不得免昏矇之患。但不過除其苦楚耳。

硬瞼硬睛

一名目瞼腫硬。此證因六筋麻痺拘急。或乾燥眼之人。胞瞼失滋潤等。而眼珠不能運轉動搖者是也。又有一證。惟胞瞼爲頑硬者。此兩瞼因所浸淫於梅氣天行等之酷毒而所發也。漢人雖有硬睛腫硬之名。予未見瞳孔之頑固者。若有瞳孔變於頑硬之質。則豈不喪明乎。惟以難爲運轉。設立硬睛腫硬之名者何也。可供一笑。

治法 用緩和糊劑。或水銀膏。傳于眼胞上。又宜在胞瞼之裏面瀉血。而與薰劑。內服發表劑。或下劑。

眼珠瞶動

此證卽眼珠胞瞼無次序瞶動不止者也。此在癩家及蛔蟲家而所發也。

治法 宜詳其本病療之。

發無定處之證

此條所述之諸證皆本於外傷而無定處加之變態不一焉。其證以涉內外二障故不論於本編各門下以其所由來屬於外故附錄于此專補其遺漏耳。

打撲眼

打撲眼之爲證也。因被物打著。或自高處墜下。打撲眼目。或頭腦。而發焮

熱疼痛赤腫多淚之諸作。至其劇甚。則眼珠損傷。及膿潰。或兩瞼青斑。或偏正頭痛。血灌瞳孔等。尚有諸般之變態。不可一定也。此證雖不傷眼目。強微腦髓。則必變於青黑闊大等之內障。其初起不速加治。則有噬臍之悔矣。

治法 眼珠爲傷損者。一元丹調勻乳汁點之。內服桃核承氣湯可也。若經日生膿氣者。涼膈散加倍桔梗用之。頭痛劇甚者。在眉稜百會行發泡。又用吐劑。令快吐二三次。尤驗。如血混入瞳人者。速在瞳子窠可施放血。儻或不痊者。於角膜下際。淺施截術。宜倣內醫法。內服抵當湯爲良。此諸證皆宜在瞳子窠顯顯尺澤等之各處刺絡放血。偏禁洗點之諸劑。

刺撞眼

此證被物撞刺。生起種種患者也。因其所刺傷之大小淺深而發。翳起膜。胬肉刺痛。至其尤者。使眼珠全爲傷損。或深瑕膿膿。或出血不止。或瘀血混入瞳子。千變萬化。實不可測知焉。若瘀血留滯。經久則必變於難治之翳。其刺傷劇者。卒盲潰爛。無方之可救。又撞刺生翳。稍久而復被物撞。轉加昏暗者。難治。故在初傷時。必宜注意周密。以防禦不測之變。

治法 輕證。一元丹。或蘘荷搗汁。或瞿麥末等。和乳汁點之。內服宜從證選用竹木麥芒之類。深匿眼珠者。蘸微墨點之。或陰乾螳螂一隻。研末。和米糊傅著眉稜骨上。重者。將小鑷子。可拔去之。若出血不止者。點

蟹產噶納諾爾少許。奇效。或灌冷水亦妙。其餘宜依打撲眼治之法加意。

火傷眼

此證眼目爲湯泡火傷者也。輕者易治。其重者。使眼液爲凝結。或腐爛汚穢。或卒盲昏暗等。尙有許多變狀。必難預爲算定焉。

治法 輕證以麥門冬。或紫根山梔子之煎汁洗之。而點神功石水劑。內服三黃四物合方。加蒼朮有效。重證宜做打撲損傷之治例。

創傷眼

此證西洋於眼目被創之部位。而區別數多名目。然事係煩繁。不易閱見。故彙括之。則眼目被金刃創傷者。而如內翳鍼刺截術。亦屬在此中。

治法 與打撲刺撞本無別。學者宜斟酌。

毒蟲傷

此證蜘蛛蜂蠶之類。咬刺眼目。熾熱劇痛。胥肉澀刺者是也。若經久則必起昏翳。而在養蜜蜂屋側者。往往被刺傷。宜恐避其害矣。

治法 青黛散調和生薑汁。或乳汁以點之。必有奇效。

鼠尿入目

此在仰臥。或仰見之時。偶老鼠行梁上。而利尿誤入眼目。則泡腫熾熱。疼痛澀刺。不能開闔者是也。

治法 點貓尿而後灑藜荷汁。則不日而治。取貓尿有法。捉住貓兒。安

置于漆盆上以樟腦或生薑汁塗抹其鼻端則其利尿如注真可爲奇此方雖類于戲誕決勿藐視予既試知其妙噫生尅之理惡可排斥哉

眼科錦囊卷三

東武 本庄俊篤士雅著 門人

松代 小山玄敬以恭
長崎 梶井元鶴士篤
全校

內障篇

病係葡萄膜之證

瞳孔闊大

瞳孔闊大之爲證也。瞳孔爲廣闊散大。漸漸視力乏弱。終爲盲者是也。其所由來。甚爲多端。然頭腦打撲。大頭風。胃中污液。濕毒胎毒。婦人產後及瘀血。小兒蛔蟲等。多發此證。此卽毒液混行于血中。竟上衝而留滯于葡萄膜之纖維細絡。以使其部爲衰弱不遂。脫其縮展之力。開闊而不收也。故患之日久。則必爲不治之盲。譬如服用風茄烏頭等蒙汗藥之人。當其瞑眩麻木之時。則瞳孔必爲開大。而不收縮矣。又有青盲黑障。至於衰弱之極。必爲散大者。參考兩光。當知麻痺衰弱之所致也。

治法

因諸毒諸氣之上攻者。用固本丸。磁朱丸。每每取効。薰劑亦良。因污液及蛔蟲者。逐蟲丸。鷓鴣菜湯爲主治。今舉其大概耳。此證固係危篤。其經久者。不辨明暗者。瞳孔脫運轉者。實非藥餌之所可救也。

瞳孔縮小 (附) 瞳孔緊閉

瞳孔之爲官能也。在明明處。則收縮。居陰暗地。則展開。收縱得其宜。以令

便於辨物。景承光輝。然而此證與前證相反。而瞳孔爲收縮窄小。雖向於昏暗。失其開闔之機。以致視力乏弱者是也。或有更兼內翳者。而闊大縮小之二證。其因差同焉。近世庸工。目此證稱赤障。併算於青黃白黑之內障。謾設名色。欲強配當五行。或誤認乾缺證以爲同證者。亦爲不少焉。以鹵莽荒唐之見。而欲療天下之盲。難哉。蘭人別載瞳孔緊閉之一證。卽葡萄膜爲緊閉密合。瞳孔全爲失亡者。而此卽縮小之重證也。往昔予於隣鄉之友人小川某之宅。偶見家僮左眼無瞳。因以叩問其所由來。云患瘟疫劇證後。一眼漸次昏盲。遂失瞳孔。後遊京師。見一小兒。因刺撞而偏眼全無瞳者。

治法 方今所有之證。自微毒來者居多。故兼用緩汞薰劑類爲良。然毒氣上攻劇者。務服降氣之劑。俟病勢衰乏之後。投水銀劑者。爲順正之治法也。西洋於此證有橫截角膜開瞳孔之術。當爲奇。詳注于乾缺條下以論告之。

瞳人乾缺

乾缺之證者。瞳孔反常匾缺鋸齒。或如梅花。或如菊花。漸漸窄小。至其太甚。則如尖針如細勾。而物象模糊難明辨。若經久。則恐有盲廢之變矣。此原因梅毒胎毒之二證。然出于梅毒者多。而出于胎毒者罕也。銀海精微云。五臟俱虛。虛火之旺也。古人亦皆爲屬腎虛肝熱。實爲臆斷。若拘泥施治。則必無有奏效之日也。崎陽譯吏賴川氏幼而罹是證。左眼既盲。右眼

亦漸次進重。故損家貲。募治于四方。然衆醫束手。不能施其治術。比年益加重劇。瞳孔細小如針尖。將至於盲廢。頃者。舶來蘭醫。什一薄爾。毒頗有聲譽。故投笈從事之。徒水會雲聚。日多於一日矣。是以穎川氏請治於蘭醫。蘭醫曰。可治矣。然非截角膜。開瞳孔。則不可也。穎川氏謂如蘭醫之言。甚爲奇異。然衆工技窮。則坐待其盲廢耳。遂託治於蘭醫。蘭醫求猪頭一隻。懸之於屋梁。執小利刀。截其角膜。熟習數日。用意甚勤矣。而後徐徐得下手焉。其法先使患者靠椅。著傍人拿住其頭。以左手開兩眼。右手執小利刀。向角膜下部。橫截凡三分。更用鑷子細小者。看定瞳孔收縮之處。惹出之而剪斷之。俄然現瞳孔之形。豁然復於明亮。在席衆人。無不驚歎矣。術已終。用青布繃帶包護之。凡七日。始脫之。鑒視雖復故。然來影光輝尖銳。而物象生閃光。不堪其眩。此患者積年不視物。遽受光明。故其所止息之神經。不勝其任。而發非常之運動。而其部之感觸。亦自爲激拂耳。患者脫繃帶之後。江戶一書生。奉蘭醫之命。與水銀劑。令大流涎。用火酒所製之點水藥。凡三十日許。而所割開之角膜刀痕。漸漸生翳。積日而進稠厚。遂爲膜狀。加之患者。體軀疲弊。殆如勞瘵。故辭治而加養焉。予偶遊於崎陽。友人某懇告患者。使請予之一診。予詳診之。諭患者曰。子之病得之於胎毒。療之累年。屢服攻戟劑。身體羸弱。全備虛候。甚爲危篤。今不治其本。而欲專療眼目。恐有促命之變。先調治體軀。後施治於眼目。則蓋可得順全也。患者悅服曰。願以父母之遺體托於君。若得身眼共全。則君之賜

也。予於此投滋補劑。與剛鐵丸。時或兼用緩下。補之滿之。自文政八年乙酉晚秋。至翌年丙戌初夏。身體復故。於此始療眼目。點脫翳劑。用火鐵煅其血絡。洗蒸塗藥。皆施用焉。至是年孟冬。翳脫九分。予時促歸裝。惜闕一分之治。遺方於門生。以期全癒。別後投簡問其動靜。復書云。如今得全痊矣。蓋蘭醫之於術也。實可謂絕技。然不辨風土之異。不問強弱之變。一切爲治。故施之於其始。而不能全之於其終。不可不戒懼也。

治法 此證根于梅毒胎毒。宜治其本病。然不審察患者之強弱。而施的當之治。則恐無効。

瞳孔異常（附）瞳孔變形

西洋區別異常變形之二證。而無詳明之說。予按異常者。因稟賦而瞳孔異于常人也。卽如雙瞳重瞳。隨圓。其類尙有數證矣。變形者。因疾病而瞳孔變于常形也。卽乾缺開大縮小。或粗工謾行內醫術之後。瞳孔移位。置而作欹側偏安。或毀損破裂。或被撞刺之人。其瞳孔或隨圓。或半月。或緊閉。其類不爲少。如此之證。皆當屬列於變形中矣。上毛沼田藩士高井某之兒重瞳子。予得細視之。西書云。重瞳者。多患一物兩形之證。此於物景瞻視之理。或其然矣。時兒纔二歲。欲審明其實。而不能焉。故不敢論說其事。俟明辨之後。而當補出於續篇。

治法 天稟者。治療無益。發於病者。注明於各條下。宜熟看。

瞳孔不動（附）瞖眼凝睛 輕瞖轉睛 小兒翳障

此證雖擬似鵝眼凝睛。轉轉關。及小兒通睛等之證。然不可混同焉。瞳孔不動之證。則瞳子脫失。縮張之力。而無運動者也。此證多因黑障。或瞳孔闊大。及縮小等之極。而致之。如漢人所謂三證者。小兒因打著頭額。及急慢驚風。而眼珠全闕。運轉者也。即與直視不異也。

治法 如瞳孔不動之證。宜治其本病。鵝眼凝睛。通睛等之三證。用酒煎散。或桂枝加附子湯。若小兒不肯服藥。則令仰臥。將蚌殼頻頻灌下之。而重覆衣被得汗。則其眼自爲活動。餘宜鑒驚風之治法。病係水樣液之證。

水樣液混濁（附）膿眼 乳眼

和蘭雖區別三證。皆取像似者而名之耳。約之。流動白液混清水樣液中者也。惟膿眼者。血眼經日之後。變作白濁膿結。留滯于水樣液中。而所致也。此證比較乳眼與混濁。更加一層之重。何則。以膿液混於水樣液中。動輒腐蝕其旁邊。而角膜穿出瘻口。世醫之所謂膿眼者。偏指內翳而稱之。不可誤認致差。治乳眼與混濁。亦難明辨矣。混濁之證者。水樣液釀粘結白濁者。而比似乳眼。其色月白。乳眼者。鍼刺乳汁翳。而混交於水樣液者也。此見形取名耳。必非乳汁之所爲也。如蘭人所云。出產之婦。乳汁上衝。而浸入眼目之說。則堪捧腹。學者宜細察。

治法 將小尖快刀。宜於角膜下部。穿開小口。以蕩除濁液。而後點一元丹。施著繃帶三日。若不取快。仍再行是術。內服二和湯。互用三黃湯。

之類。取下利而可也。

血眼

此證漢名血灌瞳人。而非俗醫所稱之血眼也。因頭腦損傷。或積日嘔吐。及咳嗽。或庸工謾行內醫術之後。或婦人臨產甚強用力等。使角膜之細血絡爲破綻傷損。竟致血液灌入于水樣液中。而纏痛多淚。赤光滿目。若灌血多則不可忽之。惟恐至盲瞎。儼或緒滯經久。則變成膿眼者。往往有之。

治法 宜照前條所開治之例而行之。

病係水晶液之證

白內翳

此證卽世人所稱之白內障。而水晶液及水晶囊之化於白濁者也。其初起也。不痛不痒。環珠連前。白花飛空。或如坐白霧中。如立淡雲裏。視物靄靄。先患一眼。後傳及兩眼。共爲昏昧。蓋本以水晶液爲白濁凝結。稍覺視力弱乏。積年累月。竟至全爲盲廢。其原因雷頭風。頭部之打撲。或觸物驚動。或悲憂苦志。或諸毒諸氣之上攻。或安逸之人。常過食辛辣。及膏腴之品物等。而鬱熱薰蒸於水晶液者也。其溶解白濁。益進而變於稠厚凝固之物。則現出于瞳孔中。其形如浮雲。如寒冰。如真珠。如乳汁。如黃膿。翳狀萬般。難一定矣。故漢人徒主張臆陋之說。謾區別數名。所謂圓翳。滑散橫。開棗花。偃月。大雲。小雲。鸞振。白翳。黃心等。尙有幾多名目。惟見形設名耳。

萬殊一本。何有區別哉。至說其起原。則不過肝腎及肺膽之盛衰。或腦脂流下作翳等之空論。西醫亦於此證。細設灰白綠黃鐵黑等之數名。然未嘗見綠色鐵黑色之內翳。予之所見者。不過白翳黃翳二種。以翳狀命名者。固非卓絕之見。况如綠鐵黑之稱。何足取信乎。方今認之。有以爲膜眼者。亦說其形耳。真非結膜之謂也。夫於眼目膜潰之證也。與他部生膜瘍者。其理何異耶。初起劇熱。漸進漸重。遂爲諸液腐敗。筋肉糜爛者。名之曰膜。何有無痛無痒。在其經年者乎。如風眼壞症。眼疔。角膜膜瘍。實酸膜者也。此證者。水晶液爲白濁凝結者。而雖積年之患者。施手術之後。豁然光明復舊。可以知無結膜之理。且其初起。少覺昏暗之時間。或雖有藥餌可救。而至爲稠厚凝固。則徒費藥石耳。治之偏在手術。不可不學焉。當今專門家修其術者。皆出于師傳家秘之一路。非敢熟練苦習者也。故治者甚稀。而使人墮落於黑暗裏者頗多矣。此無他故。惟以不見解治與不治。又不研窮術之難易而已矣。古人曰。不醫則不瞎。真快語哉。足戒粗工之徒。故詳論治與不治。又明辨手術妙用。以示世間之醫童。蓋內翳之稠厚。而如真珠。如輕粉。雖不分辨物景。稍覺明暗。向明明處。則瞳孔爲收小。居陰昏地。則瞳孔爲開大者。可施治。必有百中之妙効矣。如黃翳者。有治與不治。予屢施手術。而歷試之。帶黃色之內翳。間有固著於葡萄膜者。若就其固著之內翳。強施手術。則必發非常運動。厥熱疼痛較於前證。更加千斤之重。若要知其固著之徵候。又有一箇確乎鑒法。當熟視瞳孔運轉也。

失亡縮張之機。則可知爲固著之證矣。又有一證。如乳汁之內翳。雖將鍼頭墜下之。其翳甚稀薄。恰如投于水中。混混然終不能除去也。此翳從來以自被薄膜。施手術破膜。則濁液流出。遂混和于水樣液。此證殊難見解。但其色彷彿如乳汁。且微帶灰色耳。又一種有結硬之翳。施下墜法。而拔去鍼頭。隨手復爲上昇。更有一證。因頭部打撲。及自高墜下而喫驚。或悲憂之極等。兼使瞳神經爲衰弱。攣急之網膜病者。以全絕明暗。雖施下墜法。除去其翳。仍不免盲廢之患也。可見診察證候之法。實難容易會得之。予注意苦志者有年于茲矣。而其所不得不過如此也。亦惟虎豹之一斑。豈得無遺漏哉。學者宜留意焉。

治法 此證不施手術則治者。未之有也。古今顙門家。各所相承之禁方秘訣。亦爲不勘。然其術。惟有直刺橫刺耳。西洋別有截開術。除是三法之外。未嘗有他術。吾門刺之之法。要在審視濁液凝結之候。且刺之有時。禁嚴寒酷暑之二候。而俟其冷暖適度。快晴無風之日。太陽中天之時。於南窗明亮之處。設睡床。令患者高枕仰臥。包被無恙。一眼著旁人。拿住其頭。醫坐於枕頭。屈右膝舉左膝。以左手張開兩腋。按定之。右手將細鍼。此予所新製之鍼。針也。圖出于續編。角膜外側。去白膜分際約五厘許。自外眥向內。皆橫刺入於角膜中。至以瞳孔正中。白濁凝結之處。而以鍼尖作速壓伏內眥。送收葡萄膜之下部。若其翳強硬而不能墜下者。宜以鍼尖纏著之。盡心推降之。而看其內眥全墜。即拔去鍼頭。只務勿毀傷葡萄膜。

若誤破葡萄膜。則必發不測之險證。此之謂橫刺之法也。雖有直刺截開之二術。比較橫刺之術。當在第二等。其爲直刺之法也。將柳葉尖鍼之細小者。從角膜正中向瞳孔直刺之。用小消息子。取出濁翳。雖然。不是熟手。則難行焉。若忽爾施是術。則疼痛乍發。反成不治之翳。截開之術亦然矣。此法於角膜下際。將利刀橫截。以除去內翳是也。此二術皆是非穩妥之術。若僥倖得痊。亦有刀痕生外翳。動爲遮明者矣。行術前後。令服三黃瀉心加辰砂。宜快掃胃中鎮墜驚氣。而用手術之後。點一元丹。以綿絮浸于蘘荷搗汁。置眼胞上。施青布繃帶。令靠几椅。勿令爲安臥。如此約七日。不許食膏腴及辛熱之物。若兩眼共患者。先刺初起之一眼。隔兩三月。又刺一眼。若刺之內翳猶存者。再刺亦無害。然在行刺之間。患者發失氣昏冒者。卽宜拔去鍼頭。否則恐有傍發頭旋之證。而使既墜之翳。再爲騰侵也。既刺後。動輒嘔吐。故預當爲其防也。此法本非膚淺之術。多年煉熟得其妙。則一刺發矇無疑矣。

病係硝子液之證

青盲（附）綠風 綠眼

所謂青盲者。硝子液失明亮之質。作曇暗濃濁者。而其初起全無疼痛。空中見花。漸漸昏朦。久久瞳孔散大。而帶青色。竟盲廢。至不可救焉。此證關係劇頭痛。或驚動悲憂。或血行不利。或強飲多房之人。當其初起稍覺昏花之時。施治。則猶可以救其什之一二矣。至於眼光闇沒。則此非草根木

皮之所能及也。予閱西洋譯書載在綠眼之一證。而考究病候。卽似說青盲者。故於綠眼之譯字。不得無疑惑。蓋自然之理。豈有瞳孔變成綠色者乎。而漢籍亦載綠風內障。則可知萬里一轍。於是更懷疑。故就先輩質問之。或云有焉。或云無焉。後把蘭書親自熟讀。有勃刺阿烏惡惡古之病名。卽所譯定之綠眼也。因此觀之。則譯書之所誤翻也。何則。彼謂勃刺阿烏者。天藍色也。惡惡古則眼目也。然則確乎青色之眼目。而爲青盲也明矣。其綠色者。和蘭謂之机爾盤。可見其稱呼自別也。先輩不達眼目之理。胡亂翻出綠眼之字。後輩亦仍蹈前轍。不知其非。一盲惹衆盲。其此之謂也。漢人所謂綠風。亦青盲而非他證也。夫有心於利濟者。反覆丁寧。仔細考索。勿泥書失真。

治法 內服用沈香降氣湯。沈香天麻湯之類。及如磁朱丸。剛鐵丸。溫煖強壯之藥劑。兼投如浮石丸。螞蛄散等。驅逐留飲之劑。又用吐藥。見効不少。但患者務省負薪之勞。謹罵怒驚懼。暢氣寬心。宜爲攝生。不然則雖有起廢之神方。又無奈之何。

病係網膜之證

羞明眼

此證以網膜之觸知劇甚。對太陽向明明。則不堪承當其光輝。汪汪淚出。若勉強見物。則必發起疼痛者是也。此因眼目之熾熱。或諸毒之上攻。以瞳神經發非常觸知而使然也。此證雖不及立一門。但示網膜觸知過度。

之理耳。

治法 宜治其本病

黑障眼（附）烏風 黑風 黑花翳 肝虛目暗

此證世人所稱之黑內障也。其初起絕無疼痛。黑花繚亂於目前。如淡霞遮睛。如玉環浮空。如電光閃爍。漸次朦朧。經久則瞳子闊大。終神氣耗散。而爲廢瘡之盲。其外貌無一點之翳障。瞳孔清黑。全似無恙。却是光亮過常。映射人面。初起先患一眼。牽連及兩眼。起先共患兩眼者亦有之。察其原因。瞳神經爲衰弱。而亡失其所寫映網膜之神機。以令然也。此係微氣上攻。或懷春處女。及鬱憂煩懣之婦。或安逸之人。過酒多房。加之平常嗜食膏腴品。或勞役苦心之人等。此久閉塞蒸氣。或血中包藏毒液。竟使血爲粘稠。漸遲緩諸道運轉。以脫亡稀涼活潑之氣。而神經爲之衰弱。弊癰者也。蓋眼珠之於神經也。比他部則殊易爲感動。而致爲毒氣上衝也。故他部雖未被患。而眼目獨受其弊。此證足以證之矣。漢人雖區別烏風黑風黑花翳肝虛目暗等之諸證。實同證異名。勿拘執焉。

治法 內服機麥煎。磁朱丸。強神丸等。而灸絲竹空。宜用薰劑。吐劑。有神効。然初起。尙可救療。經日則歸於不治。

暴盲

此證外不傷眼珠。內不損諸液。忽然盲昧不見物。而無疼痛赤脈。又無昏花苦煩。原因酒色無度之人。或發泄蒸氣之人。頓值冷氣。或患胃病之人。

夏月冒暑步走等之事。故而網膜衰憊。或瞳神經爲閉塞者。每每患之。若經日則不痊。瞳孔帶青色。全似青盲之證者。爲不治之證。

治法 內服車前子丸。每日白湯送下一百粒。至其重者。非用水銀劑。不能取效。外用薄荷露加冰片點之。必功。

虛眼

所謂虛眼者。眼中別無障礙。而比於尋常人。則惟覺視力乏弱耳。此有自來與旁發之二證。其自來者。有天稟而然者。或老人及衰弱之人。或勞力過度之人等。爲網膜衰憊。使物景之來影。自致其乏弱也。其旁發者。黑障。乾燥眼。迎風洒淚等。皆於其起原有患之者。

治法 第一攝生爲要。專禁對光輝。或遠望。或夜學。或強見微細物。或酒色過度等。而平居坐暗室。帶綠硝鑒。宜服如人參機奈。機奈桂枝。細辛附子。鋼鐵磁石等。溫煖強壯之藥劑。又宜點如龍腦麝香薄荷油。礪砂精等。透竄揮發之品物。

強過眼

此證與前證相反。其視力強峻。而能寫細字。或百步外見毫毛。或居暗處。而辨物象者是也。此多出於天稟焉。年老不帶眼鏡之人。此乃尋常之強過眼也。予友龍口某。有一兒子。在黑暗中。能辨物景。見其眼珠不異於常人。戶塚某有言云。往年遊於藝州。偶見一農夫。在冥暗裏。掘履織席。絕不用燈火。又予鄉里有梵瑞和尚。年過七旬。書寫摩訶般若六百軸。不敢

帶眼鏡字字微細如蠅頭。非用顯微鏡則難明辨焉。若人皆強過眼之的證也。若不出於稟賦而忽然發此證者。於黑障青盲之初起間有之。不可忽也。何則。方其網膜將衰弱之時。頗爲非常之感動故也。此乃殘燈欲滅更增光輝者。其理一也。

治法 旁發者宜治其本病。惟天稟者不治。又何用治。

雀目（附）肝虛雜症

雀目之爲證也。白日見物。無異於常人。至黃昏全闕鑒視之用。而眼容睛光未嘗異於常也。其病因則蚊蟲之兒。及胃中畜積腐穢粘液之人。每於暑月患之。小兒尤多。而大人罕也。又不拘時候。而係是病者。間亦有之。此膽管閉塞而膽汁逆行者。及腐敗粘液混於血中者。有此等事。故而鹹液聚滿於瞳神經之近傍。以妨礙其部之運轉。故在白晝明亮之時。則瞳神經爲憤激弩張。而不失其機關。於金烏西沒之後。網膜所寫映之來影。漸以減少。諸器之官能亦從而遲緩矣。當是之時。脫失瞳神經與病毒相激拂之勢。是以瞳神經勞困。而力不能支之。姑爲閉塞。自補其疲倦。故在燈下。及昏暗之處。不能見物象也。此雖似輕證。放棄而不加治療。則粘液混入硝子液中。而變成青盲者。往往有之。此證亦有天稟與旁發之別。予累年苦志。僅發明其實徵。其爲天稟雀目也。在白晝清明之時。使患者仰臥。用顯微鏡窺見其瞳孔。則有微細黑翳。而橫於瞳子上。其狀恰似水上浮毛髮矣。尋常之雀目者。從強膜分際。至白膜之部。有黃色細點。狀如散金

屬爲青黑之斑點者。亦有之。此皆膽汁逆行。而混於血中。到於白膜。現其狀者也。漢籍載肝虛難盲之證。其症至於黃昏而不能見物。然及於點燈時。則又見物。故分門論之。然雀目中之輕證。而本非他證之所致也。西岸別提出畫盲眼一症。此表裏之證。亦當有之。予未嘗見其證。故不贅。

治法 內服茵陳五苓散。行氣香蘇散。乾漆丸。屢用屢效。小兒者。鷓鴣菜湯。或逐蟲丸。兼用鰻鱺黑散。或用雞肝。及鰻膽亦妙。若小兒兼下利者。消疳煎主之。

近視眼（附）遠視眼

近視遠視二證。因眼珠及水晶液之隆高與扁平。而所發起也。

治法 帶用適宜之眼鏡。而可以補助其機轉。說既詳明於卷首。故省蛇足。

不真眼（附）斜形眼 一物二形 一物半形 垂羅眼 異色眼

不真眼者。見物而不能認其真形。或大或小。或動搖屈曲轉倒等之類。皆其標症也。類證有五焉。今舉以詳之。視物景皆爲斜倒之狀者。名斜形眼。如隔淡霧。如遮薄羅。視物朦朧者。名垂羅眼。以上三證。青黑內障之初起。或患之。此因硝子液之曇暗。瞳神經衰弱。急等。網膜所寫映之來影。自發種種變態故也。予嘗見一人。患青盲。既爲盲瞶者。其人云。心常見怪異焉。飛禽走獸。爲拳攫之勢。以惱人。殆無寧日。予謂此腦中神經之所爲。而其所自取也。所謂氣病也。非不真眼之類也。一物二形者。見一物現兩

形。或有現數形者。此因水晶液生曇暗斑點。或水晶液偏移常度位置。其瞻視之機關。自爲錯舛。而所發起也。一物半形者。不能見其全體。纔窺知半形。卽反前證者也。此常其內翳未熟之時。一部分爲曇暗。因使來影之全形。不能透徹於網膜。以發此證也。異色眼者。視物或赤或黃。現種種之彩色者。是也。此患黃疸之人。網膜染浸黃色。或因打撲咳嗽等。血灌入於瞳孔。或網膜所纏絡之細血線爲肥大者等。多患之。此等諸證。皆是不真眼之類證。而就其所見。以命名耳。

治法 以上所述之諸證。病因不一。故以難論定焉。惟能審明其本病。宜施治術。予於是等諸證。用豁胸鎖墜之諸劑。或吐方薰藥。屢用取效。然以病候不齊。不可概論也。機權運用在其人。何守株待之乎。

發無定處之證

此門所揭之諸病。涉於內外二障者也。故就各部位而難論之。然以其病因根於內。傷於外。斯使讀者無遺憾耳。細說微意。散在於各門。熟鑒通達。而勿空予之苦心。

疳傷眼(附)頭瘡內陷

疳傷之爲證也。小兒其面灰白色。其眼青白色。口唇之色赤或黃。腹肚緊滿。及甲錯。嘔吐下利。惡臭氣。有時腹痛。鼻下赤爛。嗜好異物。或不欲飲食。或時飢貪食。或睡中驚起。或青脈縱橫等。其標的也。若患眼疾。則常好暗地幽室。不欲仰太陽。仰則數瞬多淚。白膜鮮紅。恰似疫眼。此證經久。則起翳生膜。或角膜皺縮。瞳孔開闊。或有值炎暑之節而起。先患下利煩渴。後變雀目者。或有便秘結。腹肚敦滿。生穀下利。而轉雀目者。小兒初生。眼

胞浮腫。閉鎖不開。經日之後。漸消腫。始得開眼。則既生昏翳遮明。或潰爛敗壞。終成不治之證者。亦往往有之。是皆疳傷之證候也。又一證。小兒患頭瘡白禿之類。其毒內陷。而損害眼目者有之。凡胎毒發于外表者。用乾燥內墜之劑。欲速痊則必發多少之峻證。豈容不謹哉。揆其所由來。一者出先天。一者係腐敗粘液與虵蟲。然而小兒之疾病。本於疳傷者十之七八。不但眼目受其害而已。恐有折生之變。豈可忽哉。世人區別疳與蛔蟲而論之。或曰。疳卽甘也。此過食甘美滋味而所致也。其說似是而非也。蛔蟲亦疳之一證。故予併論于斯焉。病源候論云。疳者蝕也。因此考之。有下疳。疳瘡。走馬牙疳之目。則皆是身體蝕脫之義也。偏以甘味爲說者。非卓見也。蓋發此證者。其父母患惡疾之時。受胎之兒。及妊婦不密攝生。而所生之兒。皆受其弊。加之父母慈愛太過。而溫飽過度。或乳媼懷惡疾。令哺其酷液乳汁之類。盡爲百疳萌生之源也。嗚呼。嬰孩之病。其過焉歸哉。爲人之父母者。不可不慎焉。受遺毒之兒。天資脆薄。風霜易冒。胃中不實。是以飲食不消。竟畜未熟之汚液。變爲粘稠腐敗。而化生蠱爾一活物。此所謂蛔蟲也。其狀如蚯蚓。如寸線。有圓塊者。有細長者。是蟲化生於粘液中。而以粘液爲巢居。貪餐所嚥下之胃中食餌萃液。故所輸送血中之乳糜。自減損乏少。而身體羸瘦。面色失光。爛弦雀目。開大青盲遮翳障。膜等之危證。亦從而萌生焉。此證雖男婦老少。亦有之。多係於粘液質。及閉居安逸之人矣。往年遊於江都。見解剖一死屍者。其胃管胃中十二指腸之腔。

中畜數百頭。虬蟲團團乎纏綿繁絡。在席之衆醫。無不愕然者。嗚呼。其病根浩大。至於如此。豈泛常方藥之所能治乎。故不厭縷縷贅言。以示其理。實是濟世之婆心也。蓋於蛔蟲化生之理也。譬如污水之生蟲也。清水固不生蟲。故緒畜而不流動。則變爲汚濁腐敗之物。於是乎釀成毒爾活物也。所謂無極而太極。動而生陽。動極而靜。靜生陰。蓋物極則變。故陰極則必又不得不生陽也。腐壞者。牝陰之極。變生一箇活潑之陽物。此是不空殼之話頭。蓋天地自然之妙工也。噫。造化之神機。雖非人智之所可揆度。至其理之可推知者。豈有毫髮之差乎。先哲不誣我也。

治法 疳眼之方劑。祕藏於諸家者頗多矣。今舉所歷驗之方法數件。聊示其綱領耳。小兒虛弱。唇舌貼黃色。顏面帶青色。鼻下赤爛。而兼眼疾者。牛黃丸主之。疳眼面色灰白。大便青黑者。互用五疳丸。疳眼赤脈羞明。時退而復來者。消疳煎。地黃湯爲良。同症而大便秘結。腹肚緊滿者。宜於紫圓。鼈鼠丸。兼泄瀉及生穀下利者。宜於雞肝丸。黑童散。眼目生昏翳者。兔屎丸。頭瘡白禿內陷於眼目者。鹿角湯之方內加入蝮蛇。兼用紫圓。疳眼其腹按之如羅網。口唇深紅者。攻虬虫爲良策。逐蟲丸。鷓鴣菜湯。紫圓。緩汞丸之類。可撰用焉。予別有治蛔之神方。不敢吝之。以公于世。其法狼膽一味。丸椒目大。每服二十粒。以鷓鴣菜湯送下之。日兩度。隔日兼用紫圓備急之類。取快利。而蛔蟲下利則直。執以收瓦器。燒存性爲末。白湯送下。若不欲散劑者。爲丸亦良。用此方則母蛔下。

癰其形團團一塊如海綿表裏纏繞無數小蟲者母蛔之巢居也除去之則絕無再生之患也小兒有可刺絡之證如急慢驚風直視咬牙之類是也猶有數證學者注意莫致差治

痘疹眼

痘瘡麻疹之二證者傳染流行之病而一種之疫邪也生涯不過於一患絕無再感者真是奇異之惡毒也故世醫紛擾以爲傳會之說或爲胎毒或爲疫邪未嘗一定焉至其夾發眼目之證有胎毒有疫邪而胎毒與疫毒互相夾攻者非臨證應變縱橫其方則必無復明之功也於生涯一感之理予另有一說惟厭煩絮故不贅痘瘡入目之證有二種一者當起脹見點之時眼目不開痘瘡發於眼珠者是也一者落痂之後損害眼目者是也在患痘瘡之間眼目爲腫脹者痘之常證也然粘滲流溢眼胞如火或帶紫色屢爲噴嚏者不可輕視也此毒陷入眼目之兆也灌膿時眼目一旦已開而復閉者必害眼目此證淚液溢出者不至喪明否則危證也落痂之後或五日或十日乃至二十日而卒然有陷入眼目者此險痘之後乘其氣力疲勞諸液脫亡之弊胎毒蛔蟲擾亂內部毒液遂爲上衝而損害眼目者也輕則鏗刺羞明薄翳微星重則潰爛破裂厚翳重膜更發諸般峻症殆不可救者頗多矣其初起速可救治稍及遲留則有噬臍之悔矣麻疹入目予所歷試雖不過數人概略與痘瘡無異治法亦宜照痘瘡之例以作其進退也

治法 毒將陷眼目者。宜頭腦百會施發胞術。而用白芥子之末。和勻粘糊。攤紙傳足心。又宜執水蛭。在眼胞外側。令其吮血。內服隨證選用。兼用兔矢丸。最有效。若出齊灌膿之時。欲痘毒攻眼目者。可點雀頭生血痘後生翳。用兔矢丸甚佳也。熱痛劇者。瀉虹蜺露。則有百中之妙。預防痘瘡入目。上好熊膽調和淨水。點眼目。日兩次。必無一失。

癰毒眼

癰毒之眼疾。頗是多端。而不可概論也。方今清平日久。衆庶安逸。故體軀不勞。而酒色過度。年少子弟。傲遊於柳巷花街。而極其嗜欲。竟沾染風流。瘡受此傳。彼繁延瀰蔓。今也世上。不羅此患者。殆希也。其初得之於陰處。或成疔痔。或成便毒。下疳楊梅骨痛。委弱腐蝕等。變態萬狀。不可窮極也。此症浴于溫泉。用燥劑之後。毒必上攻。及於眼目。或有骨節疼痛。下疳便毒。淋痔等。直上衝而攻眼目者。察其所起。或屬內障。或附外障。變轉自在。難以規矩論之。略舉其要領耳。起先有眼目疼痛。瞤多淚。而赤脈帶紫。動輒變爲風眼者。又全無疼痛。眼自昏昧。於白膜角膜之分際周圍發赤如環。又如黑障青盲。乾缺縮小。涉於內外二障者。亦有之。梅毒之眼目。初起雖似輕證。不可藐視。後必遺害非淺也。

治法 宜治其本病

疥癬眼

此證卽疥癬之毒。波及於眼目者。而狀類於疫眼者是也。

治法 在瞳子窠眉稜之部。施發泡膏。服除濕劑。屢用蒸眼法。

癰癬眼

胞瞼之外面生癰癬。而其毒浸入眼目者也。其證赤脈纏痛。眼緣乾燥者。或濕爛搔癢甚者。或角膜生小瘡。久而起昏翳者。是也。

治法 宜照疥癬之治法

癰病眼

癰病者。諸液腐壞而所起也。其毒浸淫眼目。則白膜鮮紅。而有光澤。雖翳肉膨脹。不覺疼痛。或白膜變紫色。經日而生白翳。其翳包角膜。而如陳絮。漸次蠹蝕。終爲盲廢。或如風牽出瞼之證者。殊此毒之所發也。

治法 宜倣本病治例

眼科錦囊卷四

東武 本庄俊篤士雅著 門人 松代 小山玄敬以恭 全校
長崎 梶井元鶴士篤

緒言

夫醫之臨病也。猶將之臨敵。能知其強弱。而制勝者。奇正順逆。皆出其心計。而無一定之法矣。古語曰。上工治未萌。名將戒未亂。蓋用兵戈藥石者。實出於不得已也。然國有亂。則良將征之。人有病。則上工療之。而軍無紀律。則號令不行。醫無方法。則疾病不治。故方法者。治病之基本。而紀律者。行師之要領也。而進退勝敗。存其人矣。蓋如長沙之方。桂枝湯者。方之大則。而桂枝加桂。桂枝去桂之二方。臨敵制勝者也。或去或加。隱顯出沒。一縱一橫。何有拘泥束縛。刻船求劍。懲羹吹噓之事乎。予撰方則。亦是軍之紀律。而聊示其將略之法耳。彼滅竈背水。轉敗成勝者。何言之所能盡哉。學者知法。而不脫法。則必遺趙括論兵之笑矣。方則

湯液之部

葛根湯 治上衝眼。疫眼。及翳膜。

葛根 大

麻黃

桂枝

芍藥 中各

甘草 小

生薑

大棗 中各

右七味水煎。若大便秘結者。加大黃。生翳者。加石膏。

山西湯 治粘液。利小水。消眼胞浮腫及贅肉。

山扁豆 西瓜仁各 商陸中

右三味水煎。

苓桂朮甘湯 治胸膈支飲。上衝目眩。及臉浮腫者。

茯苓大 桂枝 蒼朮各 甘草小

右四味水煎。

鹿角湯 發汗解肌。治外邪眼上衝眼。

鹿角屑 杜松子 大麥 紫蘇 陳皮

桂枝各 分

右六味水煎。

大承氣湯 治上衝眼。大便秘結者。

大黃 厚朴各 枳實中 芒硝小

右四味水煎。

神效黃耆湯 治眼赤。胬肉。隱澀難開。或風眼疼痛甚者。

蔓荊子 黃芪各 人參大 陳皮 芍藥各 甘草小

右六味水煎。

甘草營實湯 治胃中支飲。腹中雷鳴。或吐黃水。鬱熱上攻眼目者。

大黃 營實各 白桃花 甘草各

右四味水煎。

消痞煎 治小兒疳眼神効。

茯苓

百合

海人草各

石膏

牛膝各

甘草小

右六味水煎。水煎時時兼用紫圓。奏全効。

大柴胡湯 治濕家頭痛昏翳。

柴胡大

黃芩

芍藥各

半夏大

枳實小

生薑中

大棗小

將軍中

右八味水煎。

小柴胡湯 治胸脇苦滿。寒熱往來。目痛鼻乾。不能眠者。

柴胡大

半夏中

黃芩

人參

甘草

生薑

大棗中

右七味水煎。若頭痛甚者。加天麻。川芎。有奇驗。

行氣香蘇散 治感冒。胸痞。腹痛。或大人小兒。夏月患雀目者。及眼珠膨

脹初起者。

香附子大

紫蘇

陳皮各

甘草少

烏藥

川芎

麻黃中

枳實小

羌活大

右九味水煎。

大青龍湯 治上衝咳嗽。內皆赤脈。及爛弦風。

麻黃

石膏大

桂枝

杏仁

甘草各

大棗小

右六味。加生薑水煎。

小青龍湯。治上衝頭痛。發熱惡風。或白膜血斑。由咳嗽者。

麻黃

芍藥

乾薑

桂枝

細辛

甘草

五味子

半夏各

右八味水煎。

謝道人大黃湯

治眼目赤腫卒痛。或生暈翳者。

大黃

細辛

甘草各

芍藥

黃芩各

右五味水煎。若小便不利者。加茯苓車前子。眼珠赤痛。小便澀。頭痛者。

加滑石甚妙。

涼膈散

治上衝煩渴。舌生瘡。或打撲眼損傷眼及星翳重劇。而大便秘

結者。

薄荷

連翹

梔子各

大黃

桔梗

黃芩各

芒硝小

甘草

右八味水煎。一方有石膏。

四物龍膽湯

治目暴赤。起雲翳。疼痛不可忍者。

當歸

川芎

芍藥

地黃各

防風中

龍膽

防己小

右七味水煎。若雲翳固著者。加大黃石膏。

越婢加朮湯

治胬肉淡紅。面目黃腫。小便不利者。

麻黃

蒼朮大各

石膏大各

生薑中

大棗

甘草小各

右六味水煎。

解圍煎 治腹痛。或眼目疼痛。及浮腫者。

桂枝

薄荷

橘皮中各

芍藥

罌粟殼大各

小茴香小

右六味水煎。

沈香天麻湯 治驚振內障。及眩暈怔忡者。

羌活

天麻

防風

半夏

獨活大各

附子

益智

川烏頭中各

當歸

殭蠶

甘草小各

沈香中

右十二味。加生薑水煎。

抵當湯 治腹中有塊。或婦人眼疾。因血行不利者。及打撲損傷眼。

水蛭

蟅蟲

大黃大各

桃仁中

右四味。爲末。水煎。或加蟄蟲尤妙。然勿用妊婦。恐有墮胎之患。

加味蜀麥湯 治感冒瘧疾諸般疼痛。及乾燥眼。

蜀葵

大麥

罌粟殼大各

甘草小

機奈舶來之品

人參御種各中

右六味水煎。

防風通聖散 治上衝頭痛。眼目嫩痛。大便難者。

川芎

防風

當歸

芍藥

連翹

薄荷

麻黃中各

石膏

桔梗

黃芩大各

白朮

梔子

荊芥中各

滑石

甘草大各

芒硝

大黃中各

右十七味。加生薑水煎。

局方甘露飲 治角膜膿瘍。胃中客熱。眼胞低垂。口舌生瘡。或咽喉腫痛者。

地黃

枳殼

茵陳

石斛

黃芩

甘草

麥門冬

天門冬

枇杷葉各等分

右九味水煎。

犀角飲 治如前證而痛難離開者。

犀角大

黃芩

車前子

羌活中各

白附子

麥門冬小各

右三味水煎。

小建中湯 治痛如神。崇證多服則痊。

桂枝

甘草

生薑

大棗中各

芍藥大

膠飴大

右六味水煎。去滓內膠飴。溫服。

川芎茶調散 治頭目昏沈。偏正頭痛。上盛下虛。視物不明者。

薄荷

荊芥

川芎

香附子中各

防風大

羌活

白芷

甘草小各

右八味細茶水煎。

鷓鴒菜湯 治蛔蟲疳眼。

黑丑小

苦蕒中

大黃

海人草中各

甘草少

右五味水煎

兔矢湯 治痘疹入目及昏暗障翳疳眼蛔蟲

兔矢大

甘草小

覆盆葉中

右三味水煎

桃核承氣湯 治婦人屬血證之眼疾

桃仁

桂枝中各

大黃大

芒硝

甘草小各

右五味水煎角膜突起如蟹眼者加紅花當歸久服有效

麻黃湯 治爲風熱所侵而眼目赤腫生障翳者

麻黃

杏仁大各

桂枝中

甘草小

右四味水煎

助陽和血湯 治血行不利之婦眼目無赤脈而痛如鍼刺者

蔓荊子中

白芷

柴胡

黃芪

升麻

當歸

防風大各

甘草小

右八味水煎若痛劇者倍升麻雀目者加白豆蔻人參蒼朮

聰明湯 治上衝耳鳴或多年目暗視物不明者

黃耆

人參

甘草大各

均藥

黃蘗小各

升麻

葛根

蔓荊子中各

右八味水煎

烏蛇湯 治眼風痒。

烏蛇_大 麻黃

連翹

杜松木_{中各}

甘草_小

右四味水煎。

茵陳五苓散 治小兒雀目

白朮 茯苓_{中各}

澤瀉_大

猪苓_中

桂枝_小

茵陳_大

右六味水煎。

加味茯苓飲 治胃中有留飲而自吐宿水小便不利及由咳嗽而白膜發血斑及小兒百日咳。

茯苓 人參 蒼朮

橘皮

生薑_{大各}

枳實_中

右六味水煎兼用滾痰丸有奇效。

小半夏加茯苓湯 治如前證而嘔吐者。

半夏 生薑_{大各} 茯苓_中

右三味水煎。

半夏瀉心湯 治與前同證而頭目暈暗者。

半夏_大 黃芩 乾薑 人參

甘草

大棗_{中各}

黃連_小

右四味水煎。

烏頭湯 治雷頭風

麻黃 芍藥 黃耆 甘草

川烏_{各分}

蜜_宜

右六味水煎。

神功湯 治諸般內障

知母

人參各

龍骨

天麻各

附子

甘草小

右六味水煎。

丸劑之部

通經丸 治婦人月經不利，男子勞瘵，或諸般之內障，及屬於虛證之病。

有神驗。

剛鐵

五十錢

大黃

三十錢

沒藥

二十錢

冰糖

適宜

右四味糊丸如梧子大，每服五十粒，白湯送下。

如神丸 治男婦積聚留飲，水腫經閉，及青白黑之內翳初起者。

剛鐵

廿錢

大黃

五十錢

蕎麥粉

全上

沒藥

十五錢

右四味糊丸用法同前。

養神丸 治不寢咳嗽，諸般疼痛，及眼目赤痛難眠者，其他効用甚多。

阿片

極品一錢

麝香

二分

酸棗

人三錢

甘草

三分

右四味糊丸如粟粒大，臨臥十九丸，白湯送下，以奏奇効。妄過量則却有害。

害。

兔矢丸 治疳眼及痘疹入目，生雲翳者。

兔矢

一兩

石決明

木賊

草決明

芍藥

當歸

各七分

防風

一錢

穀精草

三分

右八味糊丸。每服五分。

地黃丸。治諸般內障。久服而可也。

地骨皮

石斛

杏人

防風

枳實各十錢

地黃斤一

牛膝十二錢

右七味糊丸。每服一錢。日二回。白湯送下。

蘆薈丸。治昏暗無所睹。及瞳子散大者。

黑丑

蘆薈各一錢

右二味爲末。以丁香油三十滴。調勻爲丸。

固本丸。治上衝頭痛。青白內翳。神效。

磁石煨過燒者十錢

知母五錢

黃蘗三錢

牛黃一錢

沉香二錢

右五味爲丸。白湯送下。二七日服盡。

磁朱丸。治乾缺開大昏花雷頭風。及諸般內障。

磁石二兩

珠砂一兩

神麴三兩

右三味爲末。別以神麴末一兩。煮糊加蜜。丸梧子大。每服二十丸。空心

白湯送下。

明眼丸。治瞳孔闊大。黑花繚亂。一物兩形。不真雀目等之證。

龍骨一兩

磁石二兩

沉香

木香

天麻各二錢

苦參六錢

右六味糊丸。每服五分。日二次。米飲送下。

發矇丸。治小兒疳眼盲瞎者。

黃連

神麴各五錢

阿魏

胡黃連各三錢

雞肝十具

蘆薈二錢

右蒸熟爲丸如梧子大每服三分

雞肝丸 治小兒疳眼雀目

雞肝一具

真珠

黃連各一錢

鐘肉三錢

夜明砂五錢

右五味爲丸如椒目大每服十粒日三次白湯送下

逐蟲丸 殺蟲下粘液治疳眼及爛眼

水銀生者十錢

錫粉二十錢

硫黃五錢

大黃五十錢

右先混和汞錫二味次加硫黃將軍二物調勻糊丸如梧子大每服二

丸鷓鴣菜湯送下

五疳丸 治小兒疳眼面瘦色黃羞明怕日食乳不消者

綠礬

蜜陀僧

夜明砂各等分

右三味以棗肉爲丸如黍米大每服三十丸米湯送下

滾痰丸 治痰咳吐粘沫或小兒急慢驚風及白膜血斑由咳嗽者

青礬石煨過水飛者一兩

大黃

黃芩各八兩

沈香五錢

右四味糊丸如梧子大每服三四十粒白湯送下

一方去沈香加甘遂

七寶丸 因梅毒之眼疾皆有效

牛膝

輕粉各二錢

山歸來一錢

丁子五分

大黃八分

右五味爲丸每服四分朝夕二度用之六日服盡後用紫圓得快利妙

也

紫圓 治胸腹結毒及心下水氣或小兒諸病上衝諸眼疾。

赤石脂 代赭石 巴豆各二錢 杏仁四錢

右四味糊丸服量見患者強弱宜加斟酌。

鼯鼠丸 治小兒疳眼難治者及翳膜。

鼯鼠一頭燒存性者 輕粉五分 巴豆四分 海人草一錢

右四味糊丸。

神靈丸 治角膜星翳。

蜀椒青者黃者為衣

右禁嚙破臨臥白湯送下。生一星者一丸。二星者二丸。隨其星之數而嚙下之。夕用則朝消。實奇方也。

乳香丸 治眼疼頭痛遍身疼痛者。

五靈脂三錢 乳香 沒藥 草烏頭 夏蠶砂各五錢 木鼯子五枚

右為末酒煮麪糊為丸如梧子大每服七丸清茶送下極妙。

浮石丸 治青盲闊大等之內障。

海浮石 龍骨 牡蠣 硝石各二錢 蕎麥 大黃各三錢

右六味糊丸每服一錢白湯送下。

乾漆丸 治雀目。

乾漆 海人草各等分

右二味糊丸每服二錢白湯送下。

散藥之部

爛疔散 治留飲水腫或月經不順上衝耳鳴眼赤羞明及生星翳者。

爛疔石

煅硝

各二錢

銀朱

一分五厘

右三味爲末每服一錢白湯送下。

沒藥散 治損傷眼痛角膜膿瘍之類。

沒藥

血竭

將軍

朴硝

各等分

右四味爲末茶或酒送下。

鰻鱺黑散 治小兒疳傷眼神驗。

烏

一羽去內臟者

右嚴寒之時浸於糞坑中約三十日而取出以清水洗淨之加車前子

一錢紅花十錢同燒存性爲末和鰻鱺服之。

雞子散 治同前證而生昏翳者。

人參

白朮

茯苓

各一錢

甘草

五分

木鼈子

二錢

右爲末與雞卵同煮食之。

如聖散 治諸般疼痛眼。

茯苓

桂枝

防風

羌活

香附子

各一錢

梔子

甘草

各三分

川芎

紫蘇

薄荷

升麻

陳皮

各七分

右十二味爲末每服一錢白湯送下煎服亦可也。

防風一字散 治眼風痒難堪者。

川烏喙錢五

川芎

荊芥各三錢

羌活

防風各二錢

右五味爲末。每服二錢。薄荷湯送下。

酒煎散 治疼痛眼。

防風

防己

荊芥各二錢

甘草五錢

當歸

芍藥

牛蒡子各一錢

右七味爲末。每服三四錢。水一盞。酒一盞。同煎。食後溫服。

鎮驚散 治小兒驚風直視者。

鹿角霜二錢

剛鐵鑄五錢

龍腦二分

右三味爲末。白湯送下。

壯腦散 治頭痛眩暈。眼常帶赤色。視物濛濛。時吐黃水者。

胡椒

丁子各五分

肉豆蔻一錢

乾薑五分

胡荽子

小茴香各五分

右六味爲末。白湯送下。

噤鼻劑之部

卽醒散 治頭痛昏睡。兼眼目赤腫者。

焰硝一錢

礞砂五錢

辰砂一分

麝香少

右四味爲末。每一撮。噤入鼻中。

獨聖散 治濕熱頭痛。眼赤生星。及翳膜。

甜瓜蒂

右爲末。噤入鼻孔。口含冷水。取出黃水。則愈。

烏喙散 治頭痛如裂達睛。或嘔吐寒熱往來。竟欲至瞳孔散大。及青盲者。

烏頭

錢一

白芷

錢四

薄荷

錢二

皂角

分五

右四味爲末。茶服一字。仍微嚙鼻中。

誘嚏散 治卒然頭痛。眼目紅赤難開者。

皂角

高良姜

胡椒

各等分

右三味研細。頻吹送鼻中。而取嚏。

通頂散 治天行眼風。眼等兼頭痛者。

藜蘆

兩半

黃連

分三

右二味爲末。嚙鼻。

先鋒散 治痘瘡攻眼者。

麝砂

錢一

瓜蒂

分五

片腦

分一

大戟

分七

右四味爲末。嚙鼻。熱淚如錢者。奏效如神。

吐劑之部

白龍散 治眼目昏花。及開大風眼。疫眼。偏正頭痛。其餘病毒結于胸中者。

者。

瓜蒂

右一味爲極末。和白錫頓服。強人用三分。弱人一分。若二分。得快吐則

止。

二聖散 治效全前。

瓜蒂 赤小豆 各三分

右二味爲末。合勻。先取水一合四勺。煎一二沸。內香豉一錢半。再煎取七勺。內二味和之。頓服。

礬石散 治全前。

獨頭蒜 明礬

右二味。先取獨頭蒜生者。搗爛去滓。內明礬。陰乾爲末。每用自三分至五分。白湯送下。其効緩和。能得快吐。

金屑丸 用大頭風屢効。

硫黃 極末 糯米粉 各等分

右二味爲丸。如龍眼大。每用半粒爲末。白湯送下。此方用急證神驗。薰刺之部。

丹霞條 治諸般內障。及諸毒上攻之眼疾。神効。

水銀 烏鉛 各二錢 銀朱 一錢 芥葉 五分 沈香 一錢 桐炭 適宜

右六味細末。分爲七炷。每一日一炷。含冷水。薰三度。經一七日而止。清霞條 治眼病。或痛。或不痛。生翳失明。頭痛耳鳴。總屬上衝者。

銀朱 錢一 沈香 好茶 各五分 金箔 二葉 麝香 五厘 百草霜 適宜

右六味。分爲七炷。薰法如前。

通神煙 治全前。

沈香

琥珀

乳香

沒藥

藿香

好茶

泥菖葉

百草霜

各二錢

右八味細末。分爲十四炷。薰法如初。此方絕無瞑眩之憂。但口鼻泄出毒液耳。

紫微煙

治梅毒之諸眼疾。

白蛇

錢一

水銀蠟

錢十

沈香

錢一

百草霜

錢五

右四味研末。以燒耐浸紅花錢十乘濕以前藥爲衣。分五劑。喫烟加炭婆姑。

梅花薰

治雷頭風

半夏

錢一

片腦

錢三

右二味。合勻。實於撚紙中燒之。就鼻內噤之。口含冷水。吐痰涎者。再含用之。三次見效。

發泡劑之部

發泡膏

治黑障青盲。疫眼打撲。眼痘疹入目等。其他効用極多。

葛上亭長

或斑

右一味爲末。將嚴醋合勻。如泥。攤綿絮。貼百會。耳後。眉稜等。用硬膏封上面。則一夜而發水疱。

同備急方

治全前

石龍芮

生

右一味搗爛貼各部若遇關則代用大蒜亦佳。

拔毒膏 治痘疹入目。

辰砂

甘草

各一錢

巴豆

五錢

狼糞

一錢燒存性者

右四味以蓖麻子油調和之貼魚尾小錢大。

糊劑之部

引降劑 治痘疹入目風眼疫眼及熾熱之眼目皆有效。

白芥子

如食料者一兩

大蒜

一錢

醋

一錢

右三味如麥餅貼足心錢大。

緩和劑 治硬瞼硬睛。

蜀葵根

五錢

亞麻人

四錢

小麥蒸餅

乾者十錢

右三味爲末混和溫湯如糊攤紙貼于頑固之部。

塗抹劑之部

神效五彩散 治風眼疫眼其他胬肉腫痛者奇驗。

明礬

五錢

黃柏

燒者二錢生者二錢

膽礬

三錢

鉛丹

五錢

右細末用水和解上火微溫塗抹眼胞上日數回。

收瀉異效散 治熱眼風癢殊甚流淚汪汪不止者。

乾薑

枯礬

硼砂

各等分

右三味研細調和米醋敷大眦。

消腫南星散 治諸般熱眼腫痛難開者。

一

黃蘗

姜黃

天南星

草烏頭

黃連

各等分

右研末。以生薑自然汁調勻。貼兩太陽穴。一二次。

清涼退赤丹

治熱眼。刺痛。翳腫。尤劇者。

桃人

杏仁

各一錢

白礬

五分

食鹽

三分

鉛丹

四分

右細末。以雞子白調和之。塗眼胞上。或乳汁調勻。亦佳也。

緩和二神丹

治眼胞。滯血不散。或翳膜疼痛者。

艾葉

酒粕

各等分

右二味。煉熟。貼傳眼胞。用溫金熨之。

消散水銀膏

治眼胞。結核。及固結腫。

水銀

十錢

錫

十二錢

右二味。合勻爲末。調混于緩和之軟膏。攤紙貼患處。

洗蒸劑之部

洞明洗

治上衝眼。赤脈疼痛者。

食鹽

一分

鈴羊角

一錢

右二味。以淨水一合。煮取八勺。微溫洗眼。日三次。

清光洗

治梅毒眼。赤脈縱橫。及翳膜。

當歸

地黃

各一大

小茴香

中

甘草

少

樟腦

小

右五味。包絹。以水煎。乘溫洗蒸。日三次。

艾連洗

治爛弦風。粘眵風。痒等之證。

艾葉

黃柏大各

黃連

車前子中各

枯礬小

右五味。法如清光洗。

秋香洗。治同前。

菊花 燈心草

艾葉

黃柏各等分

右四味。法如前。

清涼洗。治赤脈眵淚腫痛者。

當歸 石菖根

荊芥大各

薄荷中

枯礬小

銅錢二孔

右六味。以水一合半。煮取一合。去滓。溫洗。

鉛砂蒸劑。治瞼浮腫。

鉛白砂四錢

玫瑰露十二錢

燒酒六錢

右三味。煎沸。乘溫薰蒸眼目。

水銀蒸劑。治雲翳極妙。

水銀十五錢

井華水七合

右二味。納磁器。上文火。緩煎約一二時許。下火。候冷。去汞。封固。收貯。用法

同前。

和血蒸劑。治眼胞腫痛。

桑葉大

明礬

石斛

食鹽

山龍膽小各

右五味。煎蒸眼目。

附子蒸劑。治疼痛眼無熱者。

當歸

小茴

芍藥

白芷

香附子各

大附子小

右六味以淳酒煎乘溫薰蒸一日三次

玫瑰蒸劑 治翳膜及流淚不止者

玫瑰花

杉葉

樞子各二錢

蘆薈二錢

古酒二合

右五味用法同前

水劑之部

苦薏水 治外障疼痛甚者

苦薏

二十錢

片腦

十二錢

右二味以蒸露罐取露封納壺內聽用

神効水

治諸般外障屬熱者及頑固星翳角膜膿漬之類

硝石

一錢

膽礬

五分

明礬

十五錢

食鹽

五分

右四味以文火煮納壺埋藏于土中約七日凝結如青冰則名夏冰每用少許融解爲水洗淨眼目

玫瑰水 治風眼疫眼其他外翳有膿氣者

玫瑰花

新鮮芳香者

右浸淨水以蒸露罐滴露收貯

蚯蚓水 清涼之神方兼治痘疹入目

蚯蚓

大者五錢

水

七合

右以蒸露罐取精液三合

葡萄水 治爛眼。

赤葡萄酒舶來者一合 淨水三合

右二味調勻屢洗。

鉛糖水 治兩瞼粘睛及膜證。

鉛糖分一 淨水錢八

右攪勻點眼目日三次。

龍膽水 治天行眼神驗。

生山龍膽 生艾葉 生少藥各等分

右三味水煎濾過去滓再濃煎至如膏爲度收貯臨用少許和解淨水。

蓬砂水 治眼目膿瘍輕者。

蓬砂錢三 白糖錢五 水合五

右調勻點洗數回。

紅漿水 治天行眼。

乾臘脂錢一 鐵漿水錢六

右二味和勻。

石膽水 治熱眼及有膿之眼目。

膽礬分二 水合二

右二味調勻貯之。

點眼劑之部

燭龍散 治翳膜經年難治者。

爐甘石

煨者六錢

冰片

二錢

銀朱

二錢

麝香

二分五厘

緩汞丹

一錢

右五味極細末聽用。

開明膏 治爛弦風。

爐甘石

石膏

各煨者八十錢

滑石

生九錢

銀朱

片腦

各八錢

梅花片

二錢

右研末調蜜應用。

退赤露 治疫眼上衝眼之類總屬熱之眼目。

黃連

人乳汁

右浸點或煎點或加朴硝亦可。

夜光露 治刺撞眼。

蕤荷搗汁

五錢

食鹽

煨者三分

右和解水中而點少許。

珍珠膏 治內外二障及爛眼。

虎肉

二分

虎膽

冰片

各五分

真珠

一錢

蛇骨

五錢

爐甘石

銀朱

各二分五厘

右細末調煉蜜用之。

一元丹 治內翳用針術後或竹木刺及打撲損傷眼等之貴方也。

水仙根

甘草

各等分
鹽存性

右研細末。以乳汁和調。聽用。

神液丹 治諸般內障。及乾燥眼。

食鹽_大 銀朱_少 礞砂精_少

右爲細末。點一小粟粒許。

撥雲散 治翳膜神妙。

萎蕤_人 白蓬_{錢一} 麝香_{分二}

右研勻。收之。

黃金露 治淚痛眼。羞明怕日者。

雞子白_{各七} 泊夫藍_分 人乳汁_{錢十六}

右調勻。點眼中。

神靈散 治眼目腫痛。赤脈縱橫。及星翳。

鉛白砂_{各等} 礞砂精_分

右和水少許。點眼中。

收淚散 治迎風洒淚。

爐甘石_{製煉一錢} 海螵蛸_{分五} 冰片_{分一}

右研末。點淚管上。

碧雲膏 治雲翳有效。

銅青_{分五} 輕粉 麝香_{各一分} 黃丹_{錢一}

右研細末。和蜜收貯。

蝮蛇散 治眼目竹木刺。

反鼻燒者一錢 辰砂五錢

右研末點眼中。

雀貝散 治小兒疳傷眼。

真珠二分 代赭石二分

角石 赤石脂

雀貝各三分

冰片

麝香各一分

右細末和蜜聽用。

金鳳散 治痘疹入目奇驗。

雀子 雀貝各一大 角石中

右研極末以梨子自然汁調和點眼中。

丹砂散 治惡血眼滿腫者。

真珠五分 滑石生一錢 石膏煨二錢 枯礬七分

右研細末和解乳汁點之。

復明散 治目暗不見物及冷淚淫濕不止或青盲黑障等之證。

覆盆子日乾

右一味研極細以薄綿裹之浸於乳汁點之。

照水丹 治翳尤重者神效。

海螵蛸錢一 真珠五錢

右二味研極細以黃蠟少許化和成膏收之臨臥時烘火丸如黍米大。

揉入眇目。至翌朝。溫水洗淨。

【附】經驗灼艾法

眼目刺痛劇甚者。灸商陵。小炷三壯。迎風洒淚不止者。亦佳也。
小兒雀目難痊者。灸合谷五壯。疳眼亦妙也。

青盲黑障。及昏花不真等諸眼疾者。灸絲竹空。每朝一壯。積年者。二三壯。
必用小炷。

上瞼低垂輕證者。灸三陰交。

上衝頭痛。眼目疼痛。及焮腫熱淚羞明怕日等之證者。灸女室五壯。
小兒疳眼。及雀目者。不容。天樞。七八九十一之椎。灸之。皆有効。

續眼科錦囊卷一

高遠侍醫 藤田蟄蛟伯壽

東武 曾一本庄俊篤士雅著 門人越前侍醫 舟岡知衡德夫全校

京師 北畠良 謙吉

眼科古今無正典論

夫眼目者。人身之萃華玄精。而與兩曜相參。其神不可測焉。其妙不可極焉。故神器守常。妙機不差。則靈明之所照。無不透徹。而不能一物遁光芒之裏也。見垣之一方。何拘上池之水。辨毫末於百步。豈假顯微之鏡乎。是熙皞宵燭之神機。銀海金珠之妙用。百智之源。萬能之宗也。然而嗜欲不得其宜。保生不適其度。則神器失其守。妙機差其關。靈光亡其職。可不慎哉。起初纖毫之變。或致叵測之患。故攻其術者。非潛心細察天地化育之道。熟思精究身體常變之理。曷得能奏撥雲見天之偉効哉。凡人終身之明晦。一托於醫手。豈蒙昧疎漏而可能爲之乎。蓋眼科之難學難明者。何也。此因倭漢古今無可證據之正典也。醫籍各門中。雖往往有論及于眼目之事者。當時未立顯門。皆是旁說贅辨。誇博示多耳。宋分十三科之後。纔有其人。而其書亦隨出焉。而哀學淵周亮節王協鄧苑之徒。以五行配當之空譚。參入其書。妄逞五輪八郭之詭說。縱設七十二之病證。復配耦五行八卦之名目。巧博會七十二候之季數。恣爲其定位。詎以其生尅。

取證於聖賢之事。而欲實其言。喋喋乎誑惑後人。牽強杜撰。貽害不淺矣。夫眼者九竅之一也。而眼目能應五行八卦。則他竅亦當有此精細之配。當乃置而不論者何哉。可見其說淺陋。斷不可信焉。清人傅仁宇創棄七十二證之痕說。分證爲一百零八。巧說深論。聳動一時。其言雖似精微。未脫陰陽五行之陋弊。架空闊虛。以應斷病理。荒唐放言。愈說愈昧。橫議穿鑿。更覺其甚矣。嗚呼。庖羲氏畫八卦之時。豈知爲今日傳會配當之具耶。其徒證伏羲猶爲未足。更假名思邈。或託方神仙。或爲觀音靈授。或爲龍樹真傳。欲令其術奇特。詭誣百端。街衢釣利。以荼毒蒼生。禍害一至於斯。不可復救也。此無他。惟爲無確的精微之詳說。又無探玄知要之正典也。故予不厭縷煩。既著眼科錦囊。以公于世。今復應門生之請。述作續篇。以爲後學之嚆矢。希有志之士。參實地。斥空譚。則救濟天下昏昧之功。不亦偉乎。

本朝眼科襲弊論

凡眼科風習。相沿既已久矣。豈可得容易更改乎。俚言所謂不醫不瞎者。嘲弄庸工之言。而漢土從來疎于是術可知矣。本朝右文之世。教化普施。德澤波及刀圭之徒。是以俊傑駢出其間。派流溯源。參幽窮微。故無法之不備。無術之不精。稱國手喚良工之徒。不暇屈指也。故曰古之所謂良醫。今之所謂庸工也。不亦信乎。惟吾眼科之一途。未嘗有卓識傑出。而馳確見。改陋弊。救天下之瞽瞍者也。千百年來庸劣之徒。單奉家習。專信師授。

傲然矜誇傳下之舊臭。雖然競訟門派之高低。或狡獪之黨。假名眼科。爲射利之場。或無學之徒。苟且轉業。作蘧跡之叢。謀衣食。營家產。不敢顧患者之危急昏瞶。何其陋哉。何其鄙哉。彼縱有倖免王法刀鋸。安得能逃鬼神冥誅邪。不佞後篇弱冠遊學于江都。師事翠蘭先生。在塾之日。卒然患熾熱眼。兩目大腫。疼痛殊凶。故託治於時師。而累日無寸效。自初春至晚夏。依然不痊。更加昏翳。殆至喪明。因自尋思。意此非天下之良工。則不能治焉。嘗聞信州竹內生尾陽馬島氏。名聲藉甚。試請其一診。若無功驗。則遍募京攝之良工。乃整頓行李。告訴先生。先生切止曰。時屬炎天。千里行程。攀山濟水。平人猶難之。況患眼者乎。夫天下之通市。無若江戶。抱術挾技。傑材輻湊。曷不有一二之精於眼科者乎。姑請其治。保養護持。以俟秋冷。更謀西行。未爲晚也。予謹服其命。倚相者之手。遍叩眼科先生之門。請求診察。或云不治。或云難治。或蒙然無明辨。或迂論偏見。不遇一箇卓見明識之良工。於是乎將委命於天。終身守盲。一日。邂逅於眼科小出子者。因細告所患之緣故。小出子熟察云。足下弱質羸瘦。加之勉強苦學。精神爲之憊焉。思慮爲之損焉。濁液溢胃。血行失度。竟上衝而攻眼目。醫療之法。快掃支飲。疏暢血行。而省慮寡欲。則應有復於瞭然之明。足下熟思之。予深服其言。乃用吐劑。而得緩吐兩次。以快掃胃中。或在肩背尺澤之部。刺絡放血。以洩出上衝鬱結之邪毒。服用葛根柴胡之諸方。拚擲雜慮。養靜保重。大約一百有餘日而全癒。不遺一點翳痕矣。予也若不遇是人。則

不免終身爲廢癩之人也。嗚乎。天下之盲瞶幾萬萬人。失治於庸工之手者。可不勝歎哉。於是乎予憤然奮志。專心一力。以脩眼科之道。稽諸古。徵諸今。考究治法。折衷倭漢。試之實地。驗之真境。韓子曰。一善易脩也。一藝易能也。信哉。如予駑才。亦修習日久。而恍然似有所得焉。故銳意勵精。而不遑寢食。尙欲搜抉諸家之淵奧。傍察各地病情。饑餐渴飲。問關萬里。足跡遍於天下。歷訪醫門者。凡百有餘家。然如東奧信陽尾州筑紫等。是爲巨擘。其他稱良工者。亦不下於三十餘家。各各空名遠馳。門前成市。故患者擔糧帶貲。不遠千里而來乞治者。或至數百人。累日經月。寄寓其宇下。冀望復明之効。動輒及乎積年。然目擊其徒之所爲。可笑又可惡者甚多矣。其投劑不過一二方。而撰古入方中。平坦無用之劑。妄意增減一二味。僞稱家方。或任手雜湊。謾製作一方附之。加減各等。胡亂表記。星宿支幹五常等字號。其點藥亦不過二三方。尊重如隋珠。如其手術頗疎拙。而自誇耀如郢斧。或欲掩其陋劣。託言於世世相傳。以禁及門之子弟。而千人一方。萬人同劑。至病者之安危。全委于天。公然不關係其意矣。患者亦知擇門戶。而不知擇醫生。遂附託庸工之手。往往至廢盲。而茫乎不悟。悲哉。方藥僅差毫釐千里。豈有一方能治萬病之理乎。宜哉。天下瞽盲之多也。此皆坐于家習傳下之陋弊而已。噫。眼科頹風。一至於斯矣。傅仁宇曰。病者猶不以藥爲非。而委之曰命也。醫者猶不自誤用藥。而委之曰天也。二者若此。罪將誰歸乎。傅氏原是拘泥五行之徒。尙奮然欲矯時弊。而發是

言焉。今之爲醫者。恬然不顧病者之成敗。自用嗜治。抑亦傳氏之罪人也。荀子曰。正義直指舉人過。非毀疵也。予也。性魯愚而學淺庸。豈敢輕議乎。然不鋤荒剔蠹。則恐賊夫人之子焉。往者不可追。來者猶可誡矣。故不得不立言而排斥虛僞述論。而曉導昏昧也。素非爲大方君子設。是言也。噫。汝醫童。同是爲聖世之民。既沐浴其德化。豈無良心乎。願無襲舊弊。無趨利路。撰師而學。直事而行。存心於利濟。委身於仁術。則庶幾免其不醫不瞎之謗議歟。

西洋窮理無確徵論(附)蘭字正誤

古語云。究理易。應事難。應事固難。而究理亦不易也。夫以金石草木無性之物。臨機應變。以治非常之疾病。此應事之所以難也。內經曰。治病必求其本。蓋通陰陽之理。窮本氣之源。識病之所因。達藥之能否。探其蘊。至其極。則究理豈容易乎。近今和蘭之學。大行于世。究理之術。亦加精明。但和蘭者西洋之別種。其地在航海萬里之荒境。而仰慕本朝仁聖之德化。重九譯而來。欽貢職者。殆二百有餘年矣。其俗狡猾而好機利。尤巧技術。其學以究理爲本。以日新爲務。其字蟹行。其言鵠舌。正是戎狄之異教。何可比萬世不易之聖道哉。然至其天文地理醫術製煉。則精覈的實。却超出於漢土之上。故碩學君子。爲裝飾其技術。競趨西學。翻譯其書。以教後學。蓋聖道蠻術。並存並行者。此國家好生之恩澤也。雖然。樹朽則生蠹。道久則生弊。此自然之理。必至之事也。近時輕薄之徒。冒名西學。釣弋時利。饒

舌誑俗。臆斷病理。或無學之輩。初參此門。不知他道。心醉於無味之理。相贊稱。相唱和。相煽動。以飾非實之奇。墮落其窟者。常以日新爲口實。故舶來之書籍。亦見年曆之新近。其價倍徙。而如其論說之可否。則斷然不顧焉。二三十年前之書。皆屬陳腐無用。拚之如草芥。募難得之藥。貴難行之術。猾奴既窺知我嗜好。而僞換書本年曆。以謀厚利。或廣造藥品。以誑欺人目。夷德無信。不可不深察詳鑒也。予嘗聞彼邦所賞用之機那機那名藥者。初七八十年前大唱奇効。後有論其害者。故廢置不用焉。終復盛行於今日。如加魯墨兒名藥者。前日頗稱奇藥。而至今又不甚用焉。後來有贊其効者。亦未可知也。由此觀之。古說果非。而近論果是乎。其可否不同者。未知其所適從也。如天文地理。非予所與聞也。至其醫術製煉。略知大綱。然如諸科者。鮑學先生自有公論。當以醒悟後學。故置而不議焉。在眼科一事。予所專任。而剪棘通塞。以教導後學者。當今有誰乎。故不得不辨明攻擊誣妄游詭之說也。今舉一二疑議。以備學者之參考矣。夫和蘭者在北極出地五十餘度。邃遠苦寒之地。與本朝寒暑中和之沃土不同。一也。其爲人赤髮準鼻。深目碧瞳。與我黑髮烏睛不同。二也。其地五穀鮮少。常食獸肉。嗜飲乳酪。腥膻臭穢之徒。與我中土殽嘉穀。喫海鮮。清爽潔淨之民不同。三也。有是三不同。則所患病候。亦不得一般也可知矣。且其近寒之地。則人身蒸氣易鬱塞。嗜飲膾肉。則血液常凝膠。故鬱塞者愈鬱塞。粘滯者愈粘滯。於是平常飲慆悍揮發之火酒。服酸味涼血之品物。屢刺絡放

血若不然。則血行粘稠。不能煥流。殆至不能保其生也。風土飲食之異。其勢固當如此也。予嘗見歐羅巴洲之人。白日步走。必用蓋笠。而笠檐壓著眉頭。更設廣庇。或帶著綠硝眼鏡。其爲之者。蓋怕惡日光也。予叩問其故。答曰。北地之人。不堪南方赫輝。是以每遠涉南方之地。例用此笠。且帶眼鏡。以遮障光輝矣。若在貴國及寒暄中和之諸地。則猶可耐當焉。如印度爪哇熱帶諸邦。則笠前更掛用薄羅。或帶黑硝眼鏡。以致躲避燦光。不然則眼目耐過不得。而必有熾熱腫痛。或竟陷黑障青盲等之憂。若夫極北冰山積雪之地。太陽照光反映于冰雪上。射注眼目。熾熱疼痛。此等之證。無年不行。故瞽盲甚多矣。而地偏于南北。必有偏有之患焉。諸生幸生此上國。吾儕深所欽羨也。因斯語以考較其視力之強弱。眺望遠處。必劣於我。至黃昏後。却優於我。何則。其國接近夜國。而日光薄弱。令人目然者。亦此必然之理也。蓋地瀕赤道。則瞳睛愈黑。地接北方。則碧眼黃睛。皆因太陽光輝之厚薄。而眼珠內部之黑稠液。自爲濃淡。以令其適度也。可見風土稟賦之不作。獨疾病豈無差別乎。夫過飲火酒。殆至隣死。貪殮酸冷。發起暴瀉。放血屢施。精神昏昏。遂不能起者。往往有之。何則。此其飲食施用者。與中土氣化相背悖也。若患者有血行失度。閉塞粘滯之證。考索上件藥餌。或刺絡瀉血。可以救其急迫。此乃醫門之活法也。韓文公曰。大匠無棄材。尋尺各有施。醫亦然矣。極其候證。察致病之所由。相其強弱。酌其深淺。以製其劑。則無可棄之藥。無難用之方。今世拘執西學之徒。空信鑿鑿。

之說。不辨風土。不詢食料。以彼所宜。強施于我。謾誇究理精說。不察病候之異同。不驗常有之藥劑。藐視二千年來煉磨之正法。而如石膏附子人參柴胡神効貴品。輕蔑如糞土。稱用蜀葵錦葵茅根大麥之類。以爲保生之主。嗚呼。厭舊喜新。棄近求遠。賤多貴寡者。人情之所然也。吠聲之徒。不知道之在近。以其管蠡之材。皮膚之見。陋劣之心。妄修究理之學。蓋理也者。易傳會而又易乖戾。我以爲是。而彼以爲非。然則其究者。猶未究也。修西學而其理與我相睽違者。非彼之訛謬。而出於傳其說者之昧陋也。製劑亦應有差等矣。山田圖南子云。按仲景氏方。大略二十兩藥。用水一斗。煮取五升。是水今一合。得藥今三錢九分強。由今觀之。猶似藥贏而水歉。又云。以微火煮之。咸得其宜。惟恐藥汁頗濃。苦其難服耳。又云。華夏古人與本邦今人身度食量。皆既不同。豈可固守華夏古人之劑。施諸本邦當今人哉。須減之分兩。以適其宜焉。漢土與本邦比隣相接。而精其術者。猶知其不同焉。蓋食肉之民。其服藥不大劑。則難以奏効矣。然而西洋之俗。服煎劑甚罕。而專用火酒製劑。蒸露精液。或化煉諸藥。蓋煎劑則不加量無効。是故調峻効劇烈之物。以小量抵當大劑。以便服用也。以彼所斟酌分量。謾施於我者。未見其可矣。且如熱眼外用收攢劑。疼痛眼點火酒劑。在沍寒之境。腥膻之民。未爲不可也。如中土之人。用此等之藥。則禍害並臻。脫翳者過於收斂。清涼者過於凝寒。或如睫毛內刺。塗抹腐藥。眼瞼外反施截術。則不盲廢者殆鮮矣。穿鑿事理。則必失活動。沈痼幽遠。則決落

迂僻。記云。戎夷五方之民。各殊其性。且冀英知晦朔。知風卜風。蜀葵向日。磁石吸鐵。萬物稟賦。造化橐籥。天地自然之妙理。非思慮之可辨。知焉。又非尺度之可臆量焉。孔子曰。君子於其所不知。蓋闕如也。予佩服此言。以歲夫曲理之人焉。

〔附〕漢士之人。褒贊本國之美。自稱中華。是以本邦文墨之家。器物玩具之類。冠著華字。以崇尊之。當今從事和蘭陀和蘭學之徒。仍蹈前轍。於翻譯字面。標出一箇字。冠之蘭學。蘭字蘭人。蘭物之類。胡亂喚稱。欲以掩昔時所稱之蠻學。蠻人等不典之言。或用蘭字號家塾。題著書。或自稱蘭學者。昂然誇于人。殊可胡蘆大笑矣。漢士之人。自稱中華。則崇奉之家。宜稱華字也。摹仿之以揭蘭字者。不可也。何則。和者國號。蘭陀西洋方言。翻云國土。今所稱蘭者。此蘭陀二字。省用一字也。義理不明。而不知其所指何國也。陋亦甚矣。其國西洋戎狄之別種。宜稱西學西人。然則雅言有據。而名實相協耳。學者思諸。

眼目至大之論

予弱冠之時。苦心力學。不得眼科之要領。意怠志撓。欲畫止者再四。一日。偶會友人杉山子。卒爾問曰。眼珠之徑圓有幾許乎。予曰。雖有男婦老少。肥瘦短脩之異。槩略不過徑寸耳。此凡人之所知。而子特問之者何也。必有故矣。曰。予所熟視者。有三尺許之徑圓。若悟入是理。則何憂功之不成乎。予其思諸。予聞之。茫乎自失久矣。因讀昔紀昌學射於飛衛。衛曰。學視

而後可。視小如大。視微如著。而後告我。昌以驚懸。風於臚而望之。旬日之間。寢大。三年之後。如車輪焉。蓋其大者。非風之大也。我視之以爲大也。視目之法。亦如此歟。正道百字訣云。眞常須在目。陰符經曰。其機在目。自古聖經賢傳。無不以目爲樞機者。故孟子曰。觀其眸子。人焉廋哉。蓋人之善惡邪正。皆取諸眸子之瞭眊焉。可見眼目者。五官之君。滿體之主。七情五慾。皆聽其使令。韓子曰。形於上。日月星辰皆天也。形於下。草木山川皆地也。命其兩間。夷狄禽獸皆人也。眼目之在於人身。亦然矣。以是理觀之。則眼珠之徑圓。不啻三尺。雖滿身。謂皆爲眼目可也。目之明者。配之於日月。故明字從日月。嗚呼。僅僅眼珠。包括此妙用。然則眼目徑大。何止一身之微而已哉。實可與日月均其光侔其大矣。呂氏春秋曰。天生陰陽。寒暑燥濕。四時之化。萬物之變。莫不爲利。莫不爲害。至哉言也。其所養者。翻爲賊。其所利者。轉爲害。則情慾之變。時令之禍。無不損害眼目者矣。世醫不知至大至妙之理。徒爲徑寸之一小具。而施治。故心昧術屈。而不能暢展活方之機。宜哉其無復明之効焉。世醫常遇予。則必先叩以內翳鍼刺之法。予曰。無難。又不易也。何則。眼質玲瓏透徹。而所刺之鍼頭。自外面洞視。故曰無難也。然至一刺見白日之妙處。宜神領意會。非言語之所能盡也。故曰不易也。然而天下之患者。盲于外障者。十之七八。而盲于內障者。僅居二三。且內障中。有青白黑開大收小及數多之區別。則用鍼之眼疾。亦是百中之一二耳。世醫於許多之外障。未嘗用工夫。而單要知用鍼之妙處。

此猶不察切身日用之實。而徒畫太極焉。皆厭卑近務高遠之所致也。碩學先生以眼目爲一小具。以眼科爲一小技。不盡心極慮。故有是弊矣。此言當與具眼之人論。而不可與盲眼科語也。因告門生曰。欲療他盲。必先療自己之蒙。以參得眼目至大之理。則始可與談是道矣。

雙瞳三瞳之論

西說云。重瞳之人。每患一物二形之證矣。以理言之。則一瞳瞻識一物。則重瞳應鑒視兩形。而質之實驗。則其似理者非理。却在理外。而知其妙理之妙矣。夫人具兩眼。則左右各一瞳。而見者非兩形。盲偏眼者。亦不眎偏形矣。雖謂物景之寫映。係瞳孔網膜。然所以鑒視者。精神之妙用。而知覺一物。非二形也。猶耳也。鼻也。其孔皆兩。而音臭不二也。然則重瞳之人。不視多形之理。彰彰乎著明也。上毛高井氏兒子。左右重瞳。予友清水生。亦左眼雙瞳。頃者偶遇一女巫。左右各三瞳者。叩其所鑒識。皆無異常矣。故重瞳二形之說。謂理可然而已。非的實也。或云。由其方土之異。而有不同也。此所謂遁辭也。其誕妄不攻而破焉。夫病之所致。而現出多形者。前編已述大略。然而大醉或發狂初。或打撲頭蓋人。或頭痛劇甚者。間有發起此證。皆是由精神觸知太甚。而失機活之常度也。可不深察乎。予述此說。以示門生。傍有客戲云。嘗聞黃帝四目。帝舜項王各二瞳。然未見史籍傳記。有目視數形之說矣。果若西說。則如九眼之白澤。千眼之大士。無數物景。繚亂飄閃於目前。猶對萬花鏡。世間豈有此娛樂乎。聞是言。滿坐無不

絕倒者矣。

悉鳩答及葭蓉之說

椿澄曰：製劑獨味爲上，二味次之，多品爲下。誠哉！石膏解熱，附子回陽，麻黃發汗，大黃洩利，類皆是單味特效。實藥中之上品也。然有藥經製煉而力愈峻，劑合數味而効甚奇者，以之置下等，豈的論乎？方今西舶所輸來之製劑，有悉鳩答膏者，用於黑障及闊大等證，神効冠於諸藥。然其用之分釐有差，則必促命期焉。又有葭蓉膏者，點於目中，以一少許，則眼珠忽麻痺而瞳孔頓爲放開，是故鍼刺白內翳之時，先用之，則甚便於下手矣。若分量錯些子，則瞳孔終不收縮，而立地盲瞶焉。嗟乎！此二品神効無雙，實可謂奇品中之奇品。然非經心熟手，則切勿妄用。大抵製煉之諸劑，其力峻劇，故有毫釐之差，則其害不可回踵。知命君子，千金之子，不可不慎察焉。

胎障眼發明之說

葉香侶云：有天之天者，謂生我之天生於無而由乎天也；有人之天者，謂成我之天，成於有而由乎我也。生者在前，成者在後，而先天後天之義，於是見矣。故以人之稟賦言，則先天強厚者多壽，先天薄弱者多夭。夫病成於生前者，其變也不可測焉。胎障亦先天之一證，而生前稟受之盲瞶也。此證世上往往有之。然古今未有論及其事者。若夫小兒初生之時，以筋骨未強，精神未爽，其眼目雖抱病，呱呱而啼耳，故爲父母者不省之，而經

時窺其眼目。則朦朧似失鑒視之用。於是或驚或訝。延醫請診。醫亦茫乎不知。爲胎障之證。妄投平易之劑。荏苒持久而無效。則辭以不治。病家亦信庸工之言。放棄不復療焉。其兒至十歲前後。自少覺明暗。及十六七體質充實之頃。頗辨物景。或有全然復明者。於此父母驚喜。以爲神祐佛護。醫見之。果然爲奇異耳。此卽胎障眼之證候也。此證原有內外二障之別。難易兩治之分。其外障者。以遮翳掩膜。故易辨焉。而薄翳輕膜。隨兒之長成。而有自然復明者。故醫預乘其天機。外點脫翳之藥。內投驅毒之劑。則退翳還明之功更速也。然厚翳頑膜者。必竟屬不治焉。其內障者。青白黑諸證也。宜除深疳。驅蛔蟲。禁飽食。省甘厚。其他謹戒損害嬰孩之諸件。而靜養保重。可以俟自然復明之期。若夫瞳人放開者。疳蛔至險之證。未必可恃復明矣。或有問胎障還明之理者。予曰。小兒之體軀。初雖綿弱。漸長漸強。則亢陽之氣充實於軀殼。而諸液流動自致快爽。故開幽戶。通神門。翳障退縮。而金珠放光。濁水減損。以銀海復澄。蓋後天培養之盛。造化保育之仁也。以眼科爲業者。非有卓見特識。看破幽微之蘊。則俗士謾以爲冥助。亦非可笑也。

奇證怪病之說

夫奇怪之病者。世間非常之證候。而變狀異態。非意之所捉摸者也。患者若干人中偶有之。或一遇一病後。不可復見焉。或一診後。隔數歲再遇見之。至其屢歷視同症。實因一時之機會。此豈同於比比所有之病乎。然而

天下之廣。人民之夥。其奇病怪證。亦當許多。何得預知哉。惟至水土食味。大氏有限焉。非妖魔之所祟。巫蠱之所詛。則盡心者當自知之矣。奇怪之證候。概略因梅毒與胎毒。與蛔蟲所發者居多焉。固以異常之病。原因治法。似不可審明矣。然推顯索隱。察近知遠。則奇狀變態。不能逃其審知明察之中也。能明斷其治不治。以濟患者於夜國裏者。嗚呼。天下之良工哉。予不厭煩絮。略舉數證。臚列于左。

一眼胞結石瘤證

予鄉下有一粉頭。年紀十有五。麻疹之後。眼胞上生贅瘤。如胡桃子大。上面肉嵌紫色。五年之間。更換數醫。依然不癒。以爲不治。一日。樓主來語予云。嘗聞先生之妙技。一女子眼胞上生宿瘤。既歷經衆醫之治而不見微効。如是亦能治乎否。予謾答云。易易。樓主云。果如先生之言。何幸加之。予於是熟爲診察。瘤根堅硬如石。將利刀橫截皮上瘤心。頑固而不能刺入。故用測瘡子搜之。則瘤內含包結硬如骨者。始知爲結石瘤。於是徐徐剝去上面之頑肉。而鑿開結石之周圍。用鑷子緊夾其石端。一力拔出。其形質骨而似石。拇指大而甲錯。深蝕于肉中。重一錢六分。除去結石後。務截削其贅皮頑肉。貼著緩和之膏藥。大約十有二日全癒。而不留痕。此乃麻疹之餘毒。聚滯眼胞。結膿經久。變爲石形者也。宜哉前醫不能取功。實奇異之一證也。後讀池北偶談云。高陽民家子。方十餘歲。忽臂上生宿瘤。痛痒不可忍。醫皆不辨何症。一日。忽自廣。

中有圓卵墜出。尋化爲石。劉工部霖以一金售之。治膈病如神。蓋此證之類歟。然忽生瘤。又墜出。尋化石。豈有此理乎。漢人欲奇其事。言多過於實。却涉妄誕者。每每如此。宜深察焉。

一眼珠翻花證

弊鄉隣里農家之兒。年甫七歲。嘗患疳眼。兩目漸昏。父負其兒來請治。診之。瞳孔大爲放開。其色茶褐。更有金光而射人。予告其父曰。是疳眼至重之證也。非惟眼目不治而已。若不速加治療。則恐有折生之變。其父陽奉陰背。歸以告隣翁。翁云。每觀輕證說爲重病者。此時醫風習也。予今年七旬。既已目擊許多兒輩。此等證候。皆是屬雀目。予雖非醫家。治之百驗無一失。決勿顧慮。此宜用北越人星鰻。不日而得効矣。野老性資愚戇。厚信其言。何復商議乎。因得鰻魚二三尾。與兒食之。蓋雖不食之。毒將發。况促之以擾亂乎。左眼微發起疼痛。漸次眼珠膨脹。尋突出于腔外。經日遂爲翻花。其大如拳。壓迫左頰。臭穢不可近。觸風寒則更加疼痛。窮啼窮哭。不忍聽見。父抱兒子走來訴云。前不從師言。以致是敗。悔亦何及。只願垂憐。以救兒子之命。予曰。日前觀察。既爲難治。今無奈之何。可憐幾日而斃。

門人柁井生。療一兒患疳眼者。瞳孔如貓目。而運轉無度。其色或黃或灰白。時時變換。無定主焉。用磁朱丸消疳煎之類。七八日而無寸効。於是辭謝之。其父竟託治筑前眼科某。然而依然不癒。辭治而歸矣。居大

七日眼珠迸出垂下至頰疼痛磨

三三

三三

三三

三三

三三

三三

三三

三三

三三

三三

一夜光眼證
門人小川生一日來語予曰頃者
也年僅二歲常患痞眼而瞳子無
機者病家欲請先生之一診以生
到其家診察女兒天稟脆弱而兩
睛房突起牝戶爛穢其瞳孔闊大
告以患眼不治及有夭傷之變甘
側低聲耳語云是女之病非醫藥
不告師師勿貌視予訝其言竊而
如貓兒非鬼祟而何乎因退燈止
乃痞眼之重證也病勢暴劇既已
折

一童子歲方十六眼光漸漸暗昧
未者觀其瞳孔則茶褐色而運動
貓目此乃爲遺毒之重證故以所
知戒懼去託一庸醫寄宿其家而
苦惱煩懣比曉眼珠破裂而迸出
已上所列之二件雖奇怪之證

候然皆是遺毒之劇證而瞳子變茶

三三

三三

三三

三三

三三

三三

三三

三三

三三

三三

其證此上毛勢崎嶇富商之女兒
茶褐色言曰昏昧似欠其鑒視之
告與不治師幸勿推辭因拉小川生
回青嵐縱橫胸膈脹滿而下腹如創
而如有金光此遺毒至險之證也故
夜寢宿更之後乳媼抱女來於坐
所能療也其實鬼祟也父母深秘
故媼云此女在暗室則目光熒熒
暗處驗之果如媼言云云勿異此
如此則無法可施焉不經數日而天
白曰不能者物夜間却瞭瞭如辨毫
出疾在於暗中則眼光閃爍不異於
有險狀想其父母然癡駭野人不
論六七日一夜遽然眼目發劇痛
碗餘血終無期

褐色。金光如射人者。必有折生之變。不可不慎察焉。

一畫盲眼證

友人村上生。嘗語予曰。塗見畫盲之患者。窺其眼目。並無異狀。予聞之。甚恨不細驗。近者寓崎陽。診一病客。所謂畫盲者也。其證自己脾起。漸昏昧。至午未二時。全不眎物象。過申脾後。徐復如初。至夜間則睜睜無纖翳。驗其眼目如常。會無疼痛赤脈。然而在白晝則瞳孔縮小過度。形似鍼孔。此差失鑒視之妙機。而致此異證者也。予探索其起因。咽喉左右累累結核。四支骨節麻木疼痛。故明知梅毒之爲變。告患者云。病根於徽毒。不速加治療。則恐有喪明之變。患者云。實如師言。患徽殆及三年。而後爲眼目之患矣。願師賜治療。以救廢癩。則深荷再造之恩。於是用薰劑七日。頗覺爽快。再薰七日。病減過半。後投半夏瀉心湯加大黃。兼用除濕煉。約十日許。諸證皆除。得再見天日矣。

一陰陽擬似證

患眼有寒熱擬似之證。蓋真寒真熱易辨。而陽證似陰。陰證似陽者。難明焉。故世醫往往於是證取敗者不少矣。若夫信目病屬火之說。偏用涼藥。或不問寒熱。而施激熱之點劑者。不足與語之。

崎陽一商客。沾染疫眼。兩目滿腫。其色紫黑。腫上更生多少之粟粒許。小腫瘍。贅肉蟠脹。而益出于胞險外。頭疼目痛尤甚。大渴引飲。不能平臥。一醫診云。實陽真熱也。與大承氣湯。點寒冷之藥。刺絡大爲放血。而

病熱愈劇。疼痛益甚。於是接予診之。脈沈數。而好熱飲。舌上赤色。有光。予斷云。此極陰之證。若誤用攻下。則盲瞶在旦夕焉。即投烏頭湯五貼。疼痛如忘。服用桂枝加附子湯二十日許。而告平快。

一老嫗。年方六旬。嘗患水腫。調治之後。卒然眼目滿腫。而皮色不變。努肉膨脹。兩眶閉鎖。其子謀治於一內科醫云。高年之人。久患水腫。氣力脫乏。遂致是患。故補其不足。援其虛憊。則眼目不療而自痊。此治本之術也。於是投補中益氣湯。而證候不變。依然如舊。醫云。藥弱而不能敵病勢也。非用附子則不見效。又撮合附子劑與之。五六貼。苦楚特甚。頭痛如刺。嫗子不知所措。走求予診。察其證。頭疼項強。舌胎赭黃。臍下痛。而便結五日。脈微而有力。窺其眼目。則左瞳既變青色。予云。是陽證也。今誤用溫熱劑。左目全盲。右眼亦危篤。遽製涼膈散加石膏與之。五貼。大便快利。而頭疼退。目痛息。再照用前處劑。三十有餘日。而得救。偏眼于敗中矣。此等之證。皆係陰陽疑似者也。世間多有之。非具眼良工。則不謬者鮮矣。

一銀屑散漫證

銀屑眼者。取其形狀而命名也。其證白膜變青色。上面如散著銀屑者。此病小兒居多矣。

有一小兒患此證。初起在白膜上。現出如雲母粉者。漸次散漫。遍及角膜。眼眵盈流。殆至喪明。其腹膨滿。按之如羅網。鼻下赤爛。流涎不止。此

蛇蟲之所致也。外點家方金鳳水。內投獨步丸。三四日而下蛇十餘頭。稍得諸症寧貼。遮障亦少退。然而父母恐兒之病下。請止後服。故製烏梅圓與之。六七日。前證復發。是以諄諄解說利害。再投獨步丸。兼用紫圓。二日而下蛇數十頭。腹候調和。吐涎即止。自此漸愈。銀屑脫落。明明復舊。小兒往往有此證。但兇劇如是者罕矣。

獨步丸方

夏雜錄

治蛇蟲得食即嘔。或服蛔藥而吐逆者。

鷓鴣菜

十兩

蜀椒

一握

大黃

三兩

右三味名爲末。糊丸如梧子大。服五十丸至一百丸以上。以蛇下爲知。

一無痛楚角膜破裂證

鄉里有一孩兒。平常患蛔證。一日。其母抱兒哺乳。卒然眼珠放響。角膜破裂。迸流眼漿。母大喫驚。急忙連喚其丈人。丈人遽來。見其眼目。則角膜縱裂。如刀截破口。吐出玲瓏如軟珠物。於是速招近隣之醫。醫亦愕然。不知所措。掬所脫出之物。放在掌上。走來示予。予曰。此水晶液也。遂同去觀之。眼珠既陷凹。似不甚疼。按其腹部。蛇蟲滋蔓。以致是險證也。甚矣蛔之爲害。豈可不懼哉。後舉此態狀以語友人子祐。子祐云。我有一相識野口某者。此肥前佐賀武夫也。一日。家僮之婦。襁負其兒而至。一拜起頭之間。兒之偏目。歛發爆聲迸裂。而鮮血淋漓。尋眼珠靈液。盡脫出墜地。然無苦楚之狀。卒然盲瞶云。此與吾子所親見相符焉。是等

之證。實係奇病。今特錄載。以備學者之參考。

一大怒暴盲證

江都一士人。固患近視眼。因夏天奔走炎塵中。而覺視力困倦。歸來渴甚。急命嫖婢取冷水。婢乃盛水於磁盞。失墜碎之。士人稟資躁暴。見之赫怒。厲聲罵詈。俄而兩目昏昧。不辨咫尺。家人驚愕。慌忙接予診察。頭旋項強。心下痞懣。而有悸動。予曰。終日步走熱地。以疲弊視力。加之大怒逆上。致此暴盲也。原是係支飲之人。宜用吐下之劑。急與一物瓜蒂散。湧吐粘痰如煤者一升許。而眼目稍知明暗。再投三黃加辰砂。來日退病大半。猶用前劑。五六日而平復如故。予懇告患者云。次後宜務抑壓躁暴。省慮靜養。若容不謹。則恐有再發之變矣。士人甘服云。不敢背教諭焉。後歲餘。再至其家。其妻爲予供酒肴。謝曰。師之妙術。非徒開瞽盲。併能治其躁疾。爾後慎謹不懈。無復昔日之狂態。非國手何能如此乎。予曰。此乃家君之幸福。而非鄙術所能爲也。

一醉中暴盲證

信州一富翁。年齡五旬。天資肥胖。性酷嗜酒。一日登樓。留宿三日。晝夜沈湎。擁妓醉臥。至曉開眼。則物景模糊。惟見黃色耳。翁愕然無知所措。遽乘肩輿而歸。予偶淹滯其地。急邀予診察。眼目無異狀。而瞳孔爲少放開耳。按腹部心下。膨滿作蛙鳴。右腹變硬。頗覺疼痛。知是支飲之證。而大便秘結。故叩問其因。翁云。平常甚苦便秘。自遊妓館。至今日未上

廁。每每沈醉。則口吐黃水。常患背項拘急。予乃眼中點麝香單味之水劑。而與吐劑。令吐宿水。一吐之後。所見黃色。變作白色。再製調胃承氣湯與之。下黑硬之燥屎幾塊。尋暴瀉四五行。而白色漸退。得稍辨明物景。乃令患者坐暗室。禁見燦光。省思慮。斷酒肉。靜養調和。約十餘日而報快。

一冒寒暴盲證

北越喜多生。一日冒寒風。步走歸家。浴溫湯。卒然不見物。予時寓在其家。生與予商議治法。予曰。此被凝寒閉塞。遽得溫暖。而血行擾亂。以致此證也。速須灌水洗滌鬱熱。生頗有難色。然無奈之何。從予托治。急命盛冷水於一大桶中。令患者灌浴。霎時許。寒戰咬牙。如不可堪者。即出而掩覆被褥。溫蒸之。又少時強。則熱汗如流。衣衾淋漓。於是血行快暢。身體爽利。眼目頓明。生以手加額謝云。君若不寓弊廬。則無復見天日。此實微軀之福也。遂折節入于予門。

一小眚漏證

弊邑森田生。嘗病目。小眚下瞼。或腫或消。發則羞明癢澀。如是凡四五年。百治無效。予診之云。此小眚漏之證也。將細小測瘡子。搜其腫處。進入二三分。持小尖刀。截開左右約三分。其創口點鉛糖一粟粒許。兩次而無再發之患。此證初起。生稗種於淚點上。竟盡蝕爲漏管者也。但因微細之小口。故漏口時自閉塞。似有痊矣。然漏囊充實汚液。則又發小

腫瘍如此因仍持久不能治也。古人所謂小眇漏蓋指是證乎。

往年治一男子其證閱月或兩月一發發則絡胞焮腫經三數年而不治去。右眼小眇下約五分許生出腫瘍潰膿後不收口常流泄稀液若瘡口閉者則目忽赤。經痛難開予診之瘡口經久變為漏孔者也。故將披鍼截開其口用烙鐵熨頑肉當施術之時胞瞼紅腫故在耳後貼發泡膏。眼目施洗蒸劑四五日而紅腫消漏口隨癒皆是治漏之効驗也。

一衰弱眼證

凡眼科之所難者實在衰弱眼一證。此證有自發因病誤治之別。其自發者如老年血氣衰乏或勞困失意之人或讀書之客或盡心竭力之徒使眼目自為勞憊視力自致衰弱甚則有失明之懼焉。所有之論說詳載前編故不贅因病誤治二條開列于左。

信州沙水村一巫資性豪悍嘗有事于江都回路遽然頭腦沉重似有物之鎮壓故取手帕緊箍眉上急投逆旅。至於翌日前證特甚不堪痛苦加之兩目朦朧自知其不輕證慌忙歸家屢換數醫百治無効予偶客遊其地來乞診察診之此全患微毒久服燥劑竟譖騰上部以致之也。故體軀疲弊下腹無力此虛脫之證候也。因此撰用溫煖強壯之劑則大便秘結頭重更甚矣。故再按方投緩和之大黃劑二貼而下利三行。每上廁必為昏倒予告患者云子病原因微毒之所致而疲弊甚矣非調養身體則不可用薰劑也不用薰劑則不能除病根也。然緩和之

藥尚有是變動。矧薰劑乎。當歸家以調養矣。辭之經五六日。復同妻子來告訴云。前日已領誨諭。歸家再四熟思。自意爲瞎生存者。不及速死之愈也。伏乞用薰劑而拔病根。儻若有變。以登鬼錄。不敢怨悔焉。今殊將妻子立保。切委身付托。予辭謝。然固請不置。故投與輕易之薰藥七炷。誠云。每日一炷。每時一節。宜在巳未戌之三牌薰之。若有藥煩。則勿薰焉。致有誤。則不可悔也。既用薰。至於第二日之午牌。館主急忙來叫云。巫祝死矣。予亦驚愕。速去視之。直視咬牙。口流黃水。四肢厥冷。殆如死人。即使門人調赤龍水灌口而喚甦。然煩亂苦惱。昏絕一日夜五次。每昏絕與前方。及曉稍緩。明日自謝云。深荷高誼。若非師則必斃於藥煩。遇是苦楚者。原是自作之孽也。不敢瞞師。請語其緣故。初用薰劑。當夕頭腦頗輕。心覺快暢。見有一炷之効如此。昨日竊結束三炷而作一枝。一時薰了。因之釀成此變也。師幸勿異焉。願歸家以保養幾日。予領諾。七八日後。差兒深謝往日之勞。且云。前所附給之薰藥。既用四炷。所餘之三炷。在家薰之。頗覺明快。願更賜數炷。幸甚。予固辭不與焉。此乃因病爲衰弱之證也。

赤龍水方

家方

治用薰劑而暝眩昏倒者神驗。

臘脂

俗稱細工紅者一錢

龍腦

三分

右以水一合調勻。開口灌之即甦。

崎陽一里正。嘗患疫眼。遷延而不痊。門人柁井生療之。其證赤脈縱橫。

角膜昏翳。故烙其血絡點脫翳之藥。投發表劑。頗得爽快。然患者心性輕浮。動輒換醫。轉托治筑前之眼科。而證候加重。歸來又引一醫生。生原信奉西學之徒。故勸患者親受西醫之治。西醫診云。此刺絡之證也。宜爲放血。日日瀉血。重六七兩。外點丹礬水劑。患者大爲疲勞。翳膜增厚。竟作廢癩之人。予再遊崎陽之日。親診是人。則身軀疲弊。心下之悸動如洪波。此爲不治之證。因以辭謝。此西醫誤主見。因其出血過度。變作衰弱眼者也。

一二患者治驗

上毛一士人高柳氏患目。東奔西走。醫治數年。殆歷盡關左諸名家之手。而無寸効。其族人稱和三郎者。廐橋之商賈也。亦眼疾累年。經歷信尾北越諸眼科。而無點驗。更整頓行李。叩京攝之醫門而求治。起臥逆旅。一年有餘。又無微効。空歸故山。然心未放下。猶冀望良工之一顧。而撥雲見天。於是訪高柳氏細告私意。且云。君諳關東名家。稱良工者爲誰也。吾欲請其一診焉。高柳氏笑曰。那得有國手乎。若有則吾儕之眼睛。豈有不治之理乎。前聞子之歸。吾將問關西名家。今聽子之說話。關西亦無一個良工。夫足跡盡天下大半。而不遇於好先生者。命也。抑亦無其人歟。嗚呼。天下瞶盲者甚多矣。豈惟我輩而已哉。費財尋醫。服無用之藥。折有限之生。則悔亦何及乎。和三郎聽是言。自恨其薄命。嗟嘆不已。悶悶歸家。一日。偶遇藩醫大澤生。細訴其事。大澤生曰。吾友曾

一倦遊而歸於故山。子往請其一診。和三郎感謝。告高柳生同至焉。予先熟察高柳生眼珠膨脹之證。而漸次變作近視眼者也。故投利水劑。兼用鑄鐵丸。點金鳳水。既經數日。雖覺證候稍輕。然未見全效。予私思此非適證之方。一日。患者在家。將消遣幽悶。而散步後園。偶見朽木蟠根。形狀磊落可駭可喜者。因自尋思。此宜移假山之側。以作燈臺。必增雅觀。乃移來放置。木根一臂支地不安。故揮斧喝聲。斫斷木臂。因其用力極烈。斷根飛激。打著頭腦。眩暈昏倒。家人喫驚。就爲喚甦醒後。頭痛如刺。眼目疼脹。手不可近。急遽乘輜而至。因路上動搖身體。頭痛愈劇。加之發起嘔吐之證。吐出黃水四五碗。於是令患者平臥安息。而診察之。則頭疼少退。目痛稍易。然以惡心猶未止。屢催嘔氣。速調猛汞水劑。令湧吐一升餘。而諸證全安。眼目亦覺明快。予既知方之非適證。然自思而不得焉。此原來可用吐方之證也。宜哉不見全效。今偶中暗驗。豈不愧吾心哉。所謂法不遠人。人自遺法者是也。後隔旬日。再施吐劑。而雙睛全復明矣。次診和三郎。原胎毒上攻之所致。而曠日經久。漸生昏翳者也。故施薰劑。斟酌瑞雪散解毒之類投之。創製脫翳浴眼法而用之。幾乎半歲。宿病敗折。然猶遺微細之翳。時予促西遊。患者聞之云。倚賴先生之德庇。閨中得明燭。但恨欠一分之治。今聽知起行。情愿跟隨輜子而期全愈。切勿推辭。予懇止之曰。雨尊在堂。不可遠遊。且崎陽在雲山萬里之外。欠膝下之供養。不啻時月也。不如自愛保重。以俟予回。

轉矣。父母亦察知兒子之有是舉。差人安慰止之。患者無奈之何。揮淚而別。噫。

續眼科錦囊卷二

高遠侍醫 藤田整蛟伯壽

東武曾一本庄俊篤士雅著 門人越前侍醫 舟岡知衡德夫全校

京師 北畠良 謙吉

眼科療具圖解凡例

一傳曰。工欲善其事。必先利其器。一刺撥矇者。全賴利器之力。然則器械之用。亦大矣哉。此所以有圖解之舉也。然龍泉太阿。俟其人而後有驗。故雖有利器。非其人則貽害亦不淺也。不可不熟習焉。得諸心。輸諸手。心手相應。如庖丁之割牛者。此曠世之工手也。

一所描寫之圖。分爲一十有九。而序列療具者。通計四十八種。不拘新古。精粗之製。以供學者揆用。

一如洗蒸浴眼之諸器。畫施用之狀。令以知其梗槩。

一描寫內翳鍼刺之狀。附載于卷尾者。照見前編。令以知其用鍼之妙處也。

一終末述圖解。詳論器械之製作用法。且細辨新古作用之便不便。

一諸般療具。崎陽所製者爲佳。然工有巧拙。製有利鈍。不可不揆焉。


一收藏器械。宜將熟皮糊著板上。而截開皮面。每器嵌插安定。以要不動搖。

一磨光鏡器。一經梅雨。則必生鏽。宜用熟軟皮屨爲拭淨。約夏月每十日一拭。冬日一月一拭。塗抹山茶油而收藏之。

一臨施用之時。欲利其器。宜將猛汞丹滓之細末少許。撒在熟皮板上。以磨之。令器銳利。却優于砥礪。且無鋒刃毀折之慮。


一器械以適意應手爲妙。然製有古今之異。用有難易之別。家家所取用。亦略不同矣。然全其功者。因手術之熟不熟。與器械之便不便也。宜試之於實地。如其取捨。在學者之斟酌。切勿拘執。

枕頭搭



(一)圖 一 第

鏡風遮



(二)圖 一 第

第一圖解

搭頭枕 諸般手術皆用此枕。宜將藤片編成。或熟皮包木以製造亦可也。此要令患者頭不轉側也。

遮風鏡 患眼之人。步走白地時。掩遮砂塵。躲避光輝。或保養視力。皆用此器。宜用薄板或厚紙造之。

(甲)外面圓孔。可貼著綠玻璃。然僻地若欠玻璃。須以綠紗代之。

(乙)左右二小孔。發洩蒸發氣之處也。

(丙)左右絲繩。用以繫于耳朵。

第二圖解


滴水器 此以硝子製造者。令水藥點滴于目中。之器也。

滴水器



第二圖

洗眼器



第三圖(一)

洗眼器施用圖

第三圖解

洗眼器 此以軟棉布包藥。繫縛木柄。以洗蒸眼目之器也




第三圖

第三圖 (二)

蒸眼器

机




第四圖(一)



磁器



安著磁器于机上覆盖布狀



第四圖(二)


蒸眼器施用圖




第四圖 (三)

第四圖解
 蒸眼器 此將
 沸熱藥湯盛于
 磁碗掩覆輭布
 置在机上以薰
 蒸眼目。

浴眼器



若闊則宜
用小盞子



第五圖 (一)

浴眼器施用圖


第五圖解

浴眼器 此盛藥水于器中。冷浴眼目之器也。用硝子或磁器製造之。若遇關用。則代用酒鍾亦可也。



第五圖(二)

貯汁袋



第六圖

第六圖解

貯汁袋 此以溫湯包貯袋中。以手徐握之則自口注射而灌入胞內。洗淨砂塵入目者或眼目出血者宜灌冷水。


(甲) 曲頭 搜索飛塵深匿胞瞭裏者甚便。

(乙) 螺轉 接袋口處。


(丙) 直頭 曲直兩管皆用銀或角。

(丁) 接續袋口之處亦設螺轉以便插拔。

(庚) 皮袋



顯微鏡




第七圖

第七圖解

小水鏡 以藥汁灌洗淚管漏之器也。以象牙造之銀亦可也。

顯微鏡 睫毛內刺之證用鑷子拔去其睫毛時毛根微細難見或者窺內翳及天稟雀目等皆用之。

溫金



鐵造者

第八圖

第八圖解

溫金

〔一號〕治爛弦風沈痼翳膜及有熱眼疾。將此器置在於溫湯。或熱灰中。令溫煖適度。按擦眼胞上。以溫散其毒。宜以銀或黃銅造之。器尾作七頭者。令便摘點藥。或翻轉眼胞也。

〔二號〕鑲造者。

〔三號〕一二三兩具皆古製不便。


測瘡子



同二

(一)圖九第

點藥匕



點藥管



(二)圖九第

第九圖解


點藥匙 點著煉蜜劑之匙。以玳瑁或牛角造之。

點藥管 吹送點著研末劑於翳膜上之器也。多用銀造之。鳥翅管亦可也。

測瘡子

〔一號〕銀造者。宜用偷鍼眼之類。用力壓出膿液。或探診驗著眼珠等。
〔二號〕纖細鯨鬚製造者。探淚管漏必用之。


鑷子一



二



三



第十圖

第十圖解

鑷子

〔一號〕拔去睫毛內刺。及麥芒竹木刺宜用之。
 〔二號〕予做漢製所創造者。至於揭起囊膜。及努肉攀睛。或夾出赤脈。

却優於鉤矣。

〔三號〕拔去微細物。西洋用此器。然不如一二號鑷子適用。

藥筒



三稜鍼



小鋒鍼



第十一圖

第十一圖解

藥筒 因眼目疼痛。而項背拘急。上衝頭痛者。切禁導引。摩擦及灸火。恐有擾亂其毒。惟有此藥筒。能洩出抑鬱之邪。先將三稜鍼刺破肩井。或瞳子竅之邊。宜用之。令吸血矣。

三稜鍼 形似柳葉而尖利者。宜以用刺破諸部。截開瘡瘍矣。

(甲)螺轉 令尖鋒長短適度。

(乙)鍼管

小鋒鍼 破潰偷鍼。麥粒腫。白膜腫瘍。瞼生風粟之類之鍼。

橫截刀

同二

拔鍼

圖二十第

第十二圖解


拔鍼 風眼疫眼及係多血之眼。目刺尺澤委中而放血之器。

橫截刀 焮腫眼疫眼風粟稗種之類。諸般屬熱之眼目。橫截胞瞼裏面。而瀉血之器也。施用之。宜輕輕下手。若截痕深。則痊後其癰痕變頑硬之質。可慎焉。眼胞瀉血之法。各家不同。有將龍骨或燒鹿角貼著胞裏。剝脫表皮。或用麥芒燈心之類。摩擦胞瞼。或針頭亂刺者。然砂疼牆痛殊甚。皆是庸工之手段。不可施用也。



〔一號〕從來所用。

〔二號〕予門所常用。優于古製。

方鑷子



竹夾



銅夾

(一)圖三十第




(二)圖三十第

鉗



(三)圖三十第

灣頭鉗



(四)圖三十第

第十三圖解

竹夾 緊夾睫毛內刺。上瞼低垂等證。則經日贅皮自枯剝。此具世間所通用者也。

(甲)將竹夾挾贅皮圖

(乙)用絲緊結之圖

銅夾 今世西學家所用者。螺轉則自緊閉密合。挾定贅皮。優于竹夾。方鑷子 予所創製之器也。將截斷贅皮。先用之以緊挾患部。以灣頭鉗

剪斷贅皮。用鉗縫合創處。此術急速。且瘡痕無展開之慮。


灣頭鉗 瘍科所用者。說明于前。

鉗 此用蠟絲穿之。

(甲)截斷贅皮圖

(乙)用絲縫合圖

按定環




圖四十第

第十四圖解

按定環

〔一號〕以銀造之。刺內翳及施諸般之手術。使眼不得運動。
〔甲〕用綿花纏絡之。
〔二號〕予所創造。用玳瑁或牛角。比一號大有便宜。

小烙鐵




圖五十第

第十五圖解

小烙鐵


〔一號〕此烙頑翳及血絡之具。
 〔二號〕截開囊翳後。烙所存贅膜。或除眼疔腐肉。宜用此具點一點。

圖 用 施 鐵 烙



(一)圖六十第

烙鐵



第十六圖解

大烙鐵

〔一號〕狀腫眼疫眼之類。疼痛劇甚。而手難近者。以棉布浸藥汁。安置眼胞上。先令烙鐵投火通紅。離絕胞上五六寸許。以火氣徹透。而疼痛漸和。心覺快哉爲度。

〔二號〕施用全前。


第二十圖(二)

鉤




第十七圖(二)

直剪刀



第十七圖(四)

曲鉗



(一)圖七十第

小灣頭鉗



(三)圖七十第

第十七圖解


鉤 囊翳及血絡將截斷時用之勾起
直剪刀 剪斷血絡之器
曲鉗 用法同上

小彎頭鉗 斷絡根剪瘰肉或要用剪刀於微細處部則此器爲便

尖銳刀



偏刃刀



圖八十第

第十八圖解

尖銳刀 血灌瞳人水樣液混濁眼珠膨脹及截開角膜而漏洩汚液皆用此器

偏刃刀 此刺因眼瞼嫩腫而血絡怒脹者或縱截淚管漏囊此器以偏刃無傷損別部之慮


圓鋒鉞

三稜鉞

曲頭鉞

銀造圓鉞

三尖鉞



第九十圖

第十九圖解

眼科手術以鉞刺白內翳爲至難焉。先審察其治不治。撰定用具。應手與否爲要焉。如內翳鑒察法。詳論于本編。宜對照。今摹寫內翳鉞數本。以示後學。

圓鋒鉞 以鐵造之。宜用墜下內翳。


三稜鉞 自內膜橫刺而壓下內翳甚便。鋒頭銳利細尖爲要。

曲頭鉞 此具刺內翳時。便於以右手施術。右眼。西說所謂以左手刺右眼者。實非良術也。

圓鍼 各家從來所用者，以金銀造之，鋒頭鈍劣，而不及鐵造者，加之廉拙之徒，臨術恐懼，或未熟之輩，用此鈍鋒，謾下手一刺，遂成不治之盲，不可不察焉。

三尖鍼 有用此鍼以刺角膜正中者，然除去內翳之後，癍痕生翳遮明，此具斷勿取用焉。

圖翳內刺鍼



內翳鍼刺圖解

夫於內翳鍼之法也，本朝各家所施略不同，而據彼則非此，學此則謗彼。

是非互起。褒誹交揚。然熟煉精通者甚罕。而暗察盲治者頗多。近日閱某氏所著內翳鍼刺之圖。用金造毫鍼。先刺角膜正中。而不能墜下內翳。則再刺其右側。尚不治。則又刺其側。自一刺再刺。乃至五六刺。終于白膜分際外。嗟乎。是何術哉。以一兩刺而不能發矇之麗技。假令百刺。亦何益矣乎。蓋鋒頭強觸葡萄膜。則必有熾熱擾動。而變作不治之證者。至漢洋諸家。亦有精粗之分。漢者粗而無卓見。洋者精則精。然如截角膜。夾出內翳。此亦非穩和術也。予所揭示之圖。溯源漢洋諸家。試術真境實地。數十年於茲矣。考究熟煉。有自所神會。而非一時疎漏誑人之舉也。然至一刺撥矇之妙。實在工者之手段矣。

〔一圖〕左手將按定環按著眼珠。右手把鍼刺眼。壓下內翳圖。宜使鍼鋒到于瞳孔中。

〔二圖〕示鍼頭刺白膜之部位。

〔三圖〕三稜鋒刺左眼之圖。

〔四圖〕曲頭鋒刺右眼之圖。用圓鋒鍼亦同焉。

眼目十禁三戒

夫眼目者。陰陽之精華。人身之主宰。意識之府。玄靈之舍。而造化天機之妙工。無不萃于斯焉。智巧嗜欲之要樞。無不出於茲焉。故不鄭重愛護。則真水滅損。精液衰乏。不以失眼目洞明之機。招弱瘍天札之變者。殊罕矣。先生嘗謂予曰。凡眼目有十禁。此乃放除戕害眼目之事件。而指示調養之道路者也。傅氏六養。亦皆包括於此中矣。一淫。二酒。三浴。四力。五行。六火。七風。八細。九辛。十白。謂之十禁。此本爲患眼者所設之禁戒也。然而與其慎於已病之後。孰若戒於其未萌之前乎。我門素設三事教戒。以授與於人。攝生之君子。全神工之天機。要生涯之明明。則當守持之一飽食。二過房。三耽酒。而食之害人也。比酒色尤甚矣。何則。酒色尙當緩之。唯飲食者。人之所急。而不可時日缺之。故殘生之斧。多在於斯矣。古人云。百病之源。自口入。信哉。故平常喫淡餐素。以節房室。以禁耽酒。使胃囊清虛。則精神充實。而靈氣周流。如此而不懈。則昏者復明。明者應較離婁也。且眼口二竅者。洗嗽之禁。溫水。日夜將冷泉灌洗幾回。此乃明目固齒之良法也。張來所謂食取補氣。不饑即止。飽生衆疾。可見飽食不利於人。豈可不忍戒哉。予聽先生之至言。深悟了攝生之道。嗚呼。持此禁戒。則不止眼目明。實却百病。到于壽域之妙訣矣。頃者眼科錦囊續編稿成。辱命校字。故書此言以代跋語云。天保七年歲次丙申。春正月既望。時在京師僑居。越藩醫官舟岡知衡謹識。

題眼科錦囊後

嘗見世之眼科書。陰陽五行。配當相剋之論。而暗摸影捉。空裏談空。無益於事實矣。後讀晉一本莊先生所著之眼科錦囊者。排闥千古浮妄之蔽。考究之今日實測之上。附以經驗之方。詳論細辨。味者明焉。塞者疏焉。廓然闢其道於今日矣。惟恨後編未成。猶肥甘不足於口也。今歲予負笈游于京師。偶聞先生自崎陽還。淹留於此地。躍然而喜。即詣先生。語次及後編之舉。先生曰。事務鞅掌。不遑採毫以度時日。然而門人書肆之責。亦不以可止焉。濟世餘暇。述作已脫稿。即出示之。余閱之。輒舉前編所漏逸之品目。與其所施用之療具。并圖解。以便學者撰採。噫。先生仁術之厚。其所發明者。不私之於己。而公於世。苟志於是道者。以斯書爲宗主。爲規則。以臨實地。必免暗摸影捉之誚矣。

天保乙未晚秋撰於京師寓居
越前醫官 勝澤圭元璋

跋

朝菌不知晦朔。蟪蛄不知春秋。今世業醫者。僅知一方一術。禁祕自尙。亦與彼何異哉。若吾師曾一先生。則不然也。其志大。其學博。折衷古今。摘要和漢。說病源。辨藥性。皆諄諄無不盡焉。書成而公之於世。嗟乎。使天下人假明於離婁。察微於毫末者。是也。

崎陽 梶井元鳩識